

緯學原流興廢考

會稽徐氏初學堂羣書輯錄

緯學原流興廢方目錄

卷上

河洛

名義

流別

題目

崇尚

燔禁

卷中

師承

卷下

論說

緯學原流興廢考卷上

述史錄

吳縣蔣清翊

河洛

清翊曰圖書實肇緯先河故首河洛按圖書之端不止伏羲夏商今並錄之備考

易繫辭上傳河出圖洛出書聖人則之孔疏河出圖洛出書聖人則之者如鄭康成之義則春秋緯云河以通乾出天苞洛以流坤吐地符河龍圖發洛龜書感河圖有九篇洛書有六篇孔安國以為河圖則八卦是也洛書則九疇是也輔嗣之義未知何從

書洪範天乃錫禹洪範九疇彝倫攸叙初一日五行次二曰敬
用五事次三曰農用八政次四曰協用五紀次五曰建用皇
極次六曰乂用三德次七曰明用稽疑次八曰念用庶徵次
九曰嚮用五福威用六極孔傳疇類也天與禹洛出書神龜
負文而出列於背有數至於九禹遂因而第之以成九類孔
疏疇是輩類之名故為類也言其每事自相類者有九九者
各有一章故漢書謂之九章易繫辭云河出圖洛出書聖人
則之九類各有文字卽是書也而云天乃錫禹知此天與禹
者卽是洛書也漢書五行志劉歆以為伏羲繫天而王河出
圖則而畫之八卦是也禹治洪水錫洛書法而陳之洪範是

也先達共為此說龜負洛書經無其事中候及諸緯多說黃帝堯舜禹湯文武受圖書之事皆云龍負圖龜負書緯候之書不知誰作通人計數謂偽起哀平雖復前漢之末始有此書以前學者必相傳此說故孔以九類是神龜負文而出列於背有數從一而至於九禹見其文遂因而第之以成此九類法也言禹第之者以天神言語必當簡要不應曲有次第丁寧若此故以為禹次第之洛書本有幾字五行志悉載此一章乃云凡此六十五字皆洛書本文計天言簡要必無此次第之數上傳云禹因而第之則孔以第是禹之所為初一日等二十七字必是禹加之也其敬用農用等一十八字大

劉及顧氏以為龜背先有總三十八字小劉以為敬用等亦
禹所第叙其龜文惟有二十字並無明據未知孰是故兩存
焉

禮禮運河出馬圖鄭注馬圖龍馬負圖而出也孔疏河出馬圖
按中候握河紀堯時受河圖龍銜赤文綠色注云龍而形象
馬故云馬圖是龍馬負圖而出又云伏羲氏有天下龍馬負
圖出於河遂法之畫八卦又龜書洛出之也

論語子罕子曰鳳鳥不至河不出圖吾已矣夫何注孔曰聖人
受命則鳳至河出圖今天無此瑞吾已矣夫者傷不得見也
河圖八圖是也孔疏鄭玄以為河圖洛書龜龍銜負而出如

中候所能說馬銜甲赤文綠色甲似龜背表廣九尺上有列宿斗正之度帝王錄紀興亡之數是也孔安國以為河圖即八卦是也

山海經中山經陽虛之山多金臨於玄扈之水郭璞注河圖曰蒼頡為帝南巡狩登陽虛之山臨於玄扈洛汭靈龜負書丹甲青^文以授之出此水中也

漢書五行志上易曰天垂象見吉凶聖人象之河出圖雒出書聖人則之劉歆以為虞羲氏繼天而王受河圖則而畫之八卦是也禹治洪水賜雒書法而陳之洪範是也聖人行其道而寶其真降及于殷箕子在父師位而典之周既克殷以箕

子歸武王親虛已而問焉故經曰惟十有三祀王訪于箕子
王通言曰烏疇箕子惟天陰臨下民相協居厥我不知其彝
倫通叙箕子通言曰我聞在昔鯀陞洪水汨陳其五行帝迺
震怒弗畀洪範九疇彝倫通敷鯀則殛死禹迺嗣興天乃錫
禹洪範九疇彝倫通叙此武王問雒書於箕子箕子對禹得
雒書之意也初一日五行次二曰羞用五事次三曰農用八
政次四曰財用五紀次五曰建用皇極次六曰艾用三德次
七曰明用稽疑次八曰念用庶徵次九曰嚮用五福畏用六
極凡此六十五字皆雒書本文所謂天通錫禹大法九章常
事所次者也呂為河圖雒書相為經緯八卦九章相為表裏

昔殷道弛文王演周易周道敝孔子述春秋則乾坤之際陰陽效洪範之咎徵天人之道粲然著矣

後漢書張衡傳河洛六藝篇錄已定注衡集上事云河洛五九六藝四九謂八十一篇也

又方術傳序河洛之文龜龍之圖注尚書中候曰堯沈璧於洛玄龜負書背中赤文朱字字止壇舜禮壇於河畔沈璧禮畢至於下炁黃龍負卷舒圖出水壇畔

宋書符瑞志上太昊帝宓犧氏有聖德燧人氏沒宓犧代之受龍圖畫八卦所謂河出圖者也

又黃帝軒轅氏五十年秋七月庚申天霧三日三夜晝昏霧除

游於洛水之上見大魚殺五牲以醢之天乃甚雨七日七夜
魚流於海得圖書焉龍圖出河龜書出洛赤文篆字以授軒
轅

又帝克在帝位七十年歸功於舜將以天子禪之乃潔齋脩壇
場於河洛擇良日率舜等升首山遵河渚有五老遊焉益五
星之精也相謂曰河圖將來告帝以期知我者重瞳黃姚五
老因飛為流星上入昴二月辛丑昧明禮備至於日昃紫光
出河休氣四塞白雲起回風搖乃有龍馬銜甲赤文綠色臨
壇而吐甲圖而去甲似龜背廣九尺其圖以白玉為檢赤玉
為字泥以黃金約以青繩檢文曰閏色授帝舜言虞夏殷周

秦漢當受天命帝乃寫其言藏於東序後二年二月仲辛率羣臣沈璧於洛禮畢退俟至於下只赤光起玄龜負書而出背甲赤文成字止於壇其書言當禪舜遂讓舜

又帝舜有虞氏薦禹於天使行天子事舜乃設壇於河依堯故事至於下只榮光休氣至黃龍負圖長三十二丈廣九尺出於壇畔赤文綠錯其文言當禪禹

又帝禹有夏氏當堯之世舜舉之禹觀於河有長人白面黑身魚出曰吾河精也呼禹曰文命治滎言訖授禹河圖言治水之事乃退入於淵禹治水既畢乃受舜禪即天子之位洛出龜書六十五字是為洪範此卽洛出書者也

又湯東至於洛觀帝堯之壇沈璧退立黃魚雙踴黑鳥隨魚止於壇化為黑玉又有黑龜並赤文成字言夏桀無道湯當代之

又周公與成王觀於河洛沈璧禮畢王退俟至於日昧榮光並出幕河青雲浮至青龍臨壇銜玄甲之圖吐之而去禮於洛亦如之玄龜青龍蒼光止於壇背甲刻書赤文成字周公援筆以世文寫之書成文消龜隨甲而去其言自周公訖於秦漢盛衰之符

又孔子作春秋制孝經旣成使七十二弟子向北辰星蜚折而立使曾子抱河洛事北面孔子齋戒向北辰而拜告備於天

曰孝經四卷春秋河洛凡八十一卷謹已備天乃洪鬱起白
霧摩地赤虹自上下化為黃玉長三尺上有刻文孔子跪受
而讀之曰寶文出劉季握卯金刀在軫北字禾子天下服

隋書經籍志一河圖二十卷河圖龍文一卷易曰河出圖洛出
書然則聖人之受命也必因積德累業豐功厚利誠著天地
澤被生人萬物之所歸往神明之所福嚮則有天命之應蓋
龜龍銜負出於河洛以紀易代之徵其理幽昧究極神道先
王恐其惑人秘而不傳說者又云孔子既叙六經以明天人
之道知後世不能稽同其意故別立緯及讖以遺來世其書
出於前漢有河圖九篇洛書六篇云自黃帝至周文王所受

本文又別有三十篇云自初起至於孔子九聖之所增演以廣其意又有七經緯三十六篇並云孔子所作並前合八十一篇○清邗按文王不聞有_河洛之瑞殆指赤雀銜書與汪師韓韓門綴學一隋書言河圖九篇洛書六篇自黃帝至周文王所受本文又別有三十篇自初起至於孔子九聖之所增衍以廣其意又有七經緯三十六篇並為孔子所作並前合為八十一篇今考河圖九篇具見選注曰括地象曰帝覽嬉曰帝通紀曰者命曰閼色受曰會昌符曰龍文曰玉版曰考鉤其數相符惟洛書只有其二曰摘亡辭曰天淮聽而有獨稱尚書雜書者豈本無篇名邪又有曰春秋河圖揆命篇

者豈卽着命邪○清翔按汪氏只據選注故洛書篇名僅得其二今洛書之名可考者亦適合六篇之數曰洛書既曜度

曰洛書靈準聽

此卽選注所引天圖聽

曰洛書寶號命曰洛書錄運期

期或曰洛書稽命曜曰洛書摘六辟

六或作亡此卽選注所引摘亡辭

紀昀閱微草堂筆記十一世傳河圖洛書出於北宋唐以前所未見也河圖作黑白圈五十五洛書作黑白圈四十五考孔安國論語注稱河圖卽八卦是孔氏之門本無此五十五點之圖矣陳搏何自而得之至洛書旣謂之書當有文字乃亦四十五圈與河圖相同是宜稱洛圖不得稱書繫辭又何以別之曰書乎劉向劉歆班固並稱洛書有文孔穎達尚書正

義併詳其字數今術家所用洛書乃太乙行九宮法出於易緯乾鑿度卽漢書藝文志所謂太乙家當時原不稱爲洛書也

名義

說文識驗也有微驗之書河雒所出書曰識

段注十二字依李善鵬鳥魏都二賦

注

圖書計難也从口从音音難意也候司望也經織從絲也

段注從絲

二字依太平御覽卷八百二十六補

緯織衡絲也

釋名釋典藝經徑也常典也如徑路無所不通可常用也緯圍也反覆圍繞以成經也圖度也畫其品度也識織也其意織微而有效驗也

廣雅釋詁四識驗也

玄應一切經音義九三蒼識祕密書也出河洛說文識驗也謂占後有效驗也○清翔按今本說文佚下句段注亦未據補

漢書賈誼傳注師古曰讖驗也有徵驗之書讖音初禁反

後漢書光武帝紀上注圖河圖也讖符命之書讖驗也言為王者受命之徵驗也

又桓譚傳注圖書卽讖緯符命之類也

又張純傳案七經讖明堂圖注讖驗也解見光武紀七經謂詩書禮樂易春秋及論語也

又方術傳注緯七經緯也候尚書中候也

張衡思立賦舊注蒼頡篇讖書河洛書也

蔡邕郭有道碑文李善注圖河圖也緯六經及孝經皆有緯也

流別

後漢書蘇竟傳孔丘祕經為漢亦制玄包幽室文隱事明注祕經幽祕之經卽緯書也色臧也言緯書玄祕藏於幽室文雖微隱事甚明驗

又班固傳啓靈篇兮披瑞圖注靈篇謂洛河之書也

又方術傳序習為內學注內學謂圖讖之書也其事祕密故稱內

班固曰聖人作經賢者緯之

楊侃曰緯書之類謂之祕經圖讖之類謂之內學河洛之書謂之靈篇

唐六典十四部圖籍甲部為經其類有十九曰圖緯以紀六經
識候注河圖等十三部九十二卷

胡應麟曰世率以識緯並論二書雖相表裏而實不同緯之名
所以配經故自六經語孝而外無復別出河圖洛書等緯皆
易也識之依附六經者但論語有識八卷餘不榮見以為僅
此一種偶閱隋經籍志注附見十餘家乃知凡識皆託古聖
賢以名其書與緯體制迥別蓋其說尤誕妄故隋焚之後永
絕類書亦無從援引而唐宋諸藏書家絕口不談又有以緯
候病並今惟尚書中候見目中他不可攷云

欽

定四庫全書提要六按語儒者多稱識緯其實識自識緯自緯

非一類也。識者詭為隱語，預決吉凶。史記泰本紀稱盧生奏錄圖書之語，是其始也。緯者，經之支流衍及旁義。史記自序引易失之毫釐，差以千里。漢書益寬饒傳引易五帝官天下三王家天下注者，均以為易緯之文是也。益秦漢以來去聖日遠，儒者推闡論說，各自成書，與經原不相比附。如伏生尚書大傳、董仲舒春秋陰陽核其文體，即是緯書。特以顯有主名，故不能託諸孔子。其他私相撰述，漸稌以術數之言，既不知作者為誰，因附會以神其說，迨彌傳彌失，又益以妖妄之詞，遂與讖合而為一。然班固稱聖人作經，賢者緯之。楊侃稱緯書之類，謂之祕經圖讖之類，謂之內學河洛之書，謂之

靈篇胡應麟亦謂識緯二書雖相表裏而實不同則緯與識別前人固已分析之後人連類而譏非其實也右乾鑿度等七書皆易緯之文與圖識之焚惑民志悖理傷教者不同以其無可附麗故著錄於易類之末焉

阮元七緯叙焚緯之興始於哀平終於大業洎乎宋鄭兩家為之作注而緯與經乃相雜而不越然異學乎鳴七緯之外復有候有圖最下而及於識而經訓愈漓不知緯自為緯識自為識不得以識病緯也自賈公彥周官疏造為漢時焚緯之說後儒不察併為一談以為古人緯識同諱此謬論也今以隋書經籍志證之云孔子既叙六經以明天人之道知後世

不能稽同其意故別立緯及讖及者遂事之詞也觀下文王莽好符命光武以圖讖興遂盛行於世則讖者特緯之流弊也讖緯之別此一證也志云七緯三十六篇並孔子所作並前為八十一篇而又有尚書中候雒皐級五行傳詩推度災汜曆振舍神霧孝經句命決援神契雜讖等書漢代有郝氏表氏說漢末郎中郝萌輯圖緯讖雜占為五十篇謂之春秋災異宋均鄭玄並為讖律之注然其文詞淺俗顛倒舛謬不類聖人之旨其重言漢代者見前之非出於漢也則後人所疑者或偽注之讖爾未嘗疑及於緯也此又一證也志云漢時又詔東平王蒼正五經章句皆命從讖俗儒趨時益為其

學言五經者皆憑讖為說唯孔安國毛公王璜賈逵之徒獨
非之相承以為妖妄則當日所謂古學者亦第不及圖讖耳
未嘗詆訐及於緯也此又一證也志云至宋大明中始禁圖
讖梁天監以後又重其制及高祖受禪禁之逾切始者言乎
其前之未有也然則隋以前圖讖且不禁何自而及於緯乎
此又一證也唯志云煬帝卽位廼發四_使出搜天下書籍與
讖緯相涉者皆焚之曰涉曰皆者病及於緯也賈氏不省因
謂漢氏禁緯真無稽之言矣否則氏未葬尊所引謝書及漢
人碑碣稱姚浚則尤明圖讖秘奧姜肱則兼明星緯郭泰則
探綜圖緯李休則又精羣緯袁良則親執經緯楊震則明河

唯緯度祝穆則七典並立該洞七典唐扶則綜緯河雒劉熊
則救五經之緯圖楊若則窮七道之奧曹全則甄及於緯秦
湛則少耽七典武梁則兼通河雒張表則該覽羣緯丁魴則
兼究祕緯李翊則通經綜緯不曰識而曰緯則緯之酷固異
於識之駁也使其有禁奚習者之多于此不待智者而決矣

北原

題目

述史錄

後漢書方術傳注七緯者易緯稽覽圖乾鑿度坤靈圖通卦驗
是類謀辨終備也書緯璇璣鈴考靈耀刑德放帝命驗運期
授也許緯推度災記歷樞含神務也禮緯含文嘉稽命徵斗
威儀也樂緯動聲儀稽耀嘉叶圖徵也孝經緯援神契鈞命
決也春秋緯演孔圖元命包文耀鈞運斗樞感精符合誠圖
考異郵保乾圖漢含華佑助期握誠圖潛潭已說題辭

隋書經籍志一河圖二十卷

梁河圖洛書二十四卷目錄一卷亡

河圖龍文一卷

易緯八卷

鄭玄注梁有九卷

尚書緯三卷

鄭玄注梁六卷

尚書中候五卷

鄭玄

注梁有八

卷今殘缺詩緯十八卷

魏博士宋均

禮緯三卷

鄭玄注亡禮記默

解學原流興廢攷上

十三會稽徐氏鐫

房二卷

宋鄭玄注梁有三卷

樂緯三卷

宋均注梁有

春秋災異

十五卷

鄭玄撰梁有春秋緯三十卷

宋均注春秋內事四卷

河洛緯秋要一卷五帝鈞命次圖一卷七

孝經勾命決六卷

宋均

孝經援神契七

卷

宋均

孝經內事一卷

梁有孝經雜緯十卷

宋均注

孝經元

古秘圖一卷

孝經吳本雄圖二卷

孝經左右契圖一卷

孝經內

事圖二卷

孝經內事星宿講堂七

十一弟子圖一卷

又口授

一卷

又論語議八卷

宋均注孔氏識十二卷

老子河洛識

一卷

孔子王明鏡一卷

郭文金雄記一卷

王季年歌一卷

高道士歌

右十三部合九十二卷

通計亡書合三十二卷

前漢

有河圖九篇洛書六篇云自黃帝至周文王所受本文又別有三十篇云自初起至於孔子九聖之所增演以廣其意又

有七經緯三十六篇並云孔子所作並前合為八十一篇而
又有尚書中候洛罪級五行傳詩推度災沴曆樞舍神圖孝
經勾命決援神契雜議等書漢代有邨氏袁氏說漢末郎中
邨萌集圖緯讖雜占為五十篇謂之春秋災異宋均鄭玄並
為讖緯之註然其文辭淺俗顛倒舛謬不類聖人之旨○清
翊按隋書志云七經緯三十六篇而樊英傳注只三十五篇
又推度災沴曆樞舍神務勾命決援神契五書隋志不在三
十篇之列與樊英傳注又不同

趙在翰易緯叙錄易緯欽遵

武

英殿本也後漢樊英

原本誤作宏
今改正下同

傳注凡六篇曰稽覽圖曰乾

鑿度曰坤靈圖曰通卦驗曰辨終備隋唐宋志互有詳畧紹興續書目有蒼頡注乾坤鑿度二卷晁氏讀書志陳氏書錄解題馬氏經籍考又有乾元序制記一卷終明之代乾坤鑿度乾鑿度書存餘皆散佚華容孫穀綴集遺文乾鑿度辨終備乾元序制記三篇皆不錄別以九厄識易雜緯附焉乾隆三十八年購求遺書采輯永樂大典中得易緯全書

御

題

冠篇刊行海內嘉惠儒林草莽微臣幸逢治獲覩全書謹重刊易緯八卷於所纂緯書之端云

又尚書緯叙錄昔北海鄭君受古文尚書於張恭祖注釋萬言學者宗之東晉偽孔傳出而鄭學微厥故喜新替人有慨乎

其言之矣考北海說經根據緯言如夫子加尚稽同古天禹
缺放勳類取諸緯今書雖佚其存者足見鄭學之精也隋經
籍志唐藝文志有鄭君注三卷七錄云六卷篇目闕如唯後
漢樊英傳注備述五篇之名首璇璣鈴璇璣者帝王御運治
曆觀天之器也曆之理非數無以顯曆之數非象無以明於
事為首故第為先璇璣立九野之道四游之極得而攷焉攷
靈曜次之王者觀象治民德為政本刑以弼教斗華取象庶
獄哀矜刑德倣又次之帝命驗運期授則明五行相代之期
易姓而興之理故以終焉經義考又有鈞命決雜罪級二篇
鈞命決為孝經緯之譌雜罪級為讖學之流未足以相參也

又詩緯錄叙詩緯隋志題魏博士宋均注十八卷七錄云十卷
其目具存與後漢樊英傳注同隋志又有詩雜識孫穀謂含
神務推度災沴曆樞皆識類非也其次第圖明五行之運天
人之應曰推度災沴數之運際始之道曰沴曆樞圖錄之神
禎祥之降曰含神霧漢儒翼奉朗顗之說多出於此蓋齊詩
所本也單辭隻句莫見全書哀合殘編亦鳳一毛蚪一甲矣
又禮緯叙錄孔子曰安上治民莫善於禮禮之興也其源遠矣
周文郁郁經曲昭明洛邑類綱諸侯去籍素王籍記弟子紹
聞述經作緯以授將來經燬秦燼緯秘民間炎漢炳興茅蘄
定儀曲臺大戴不見全經北海鄭君宣明秘緯闡繹經言數

陳義舉衆說折衷焉隋志崇文總目有鄭君注禮緯三卷禮
記默房宋均注三卷七錄鄭注禮緯三卷王充論衡蔡邕明
堂論又有瑞命記之名瑞命記疑逸禮篇名經義考列於終
緯恐未然也正緯三卷次第首明文質之殊為含文嘉由文
質以徵命次稽命徵命所由徵天昭其象物貢其靈主威儀
也斗威儀終焉採摭舊聞搜羅逸簡釐而次之為禮學者其
以是為椎輪夫

又樂緯叙錄周禮大司樂一篇禮記樂記十二篇或曰古樂經
之遺也大司樂非全文圉樂記謨自炎劉義舉而器數闕焉
古樂經之亡二千餘年於茲矣其佚緯時見於經史疏志隋

志載其篇目一曰動聲儀言詠歌舞蹈揄揚雍容德盛物惑也次稽耀嘉言器良制備功成事舉光耀永嘉也三叶圖徵所謂按器作

作徵者宋均注三卷今佚又七錄有五

鳥圖一篇蓋緯圖也亦無聞焉

又春秋緯叙錄春秋緯者諸弟子私記夫子成春秋之微言也周網草萎秦關虎視赤權授天元聖制命夫子知以藏往神以知來獲麟之後端門演圖廣求百二十國寶書修為春秋合八卦以演文統三才而明象褒善貶惡新魯故周垂法萬世肇為漢制續辭與義書不盡言兩楹道喪弟子默記前聞推行遺訓編緯一十三篇聖人範圍天地曲成萬物徵於是

矣大矣哉其叙首演孔圖紀黑精之降應圖而生聖人生而制命元命苞次之制命書成九月萬八千字燭地動天文耀鈎次之文以道運得度有常稽之於天青赤相宣次含燦列其樞在斗運斗樞次之斗降精聖人起感精符次之天人之合以誠通其象合誠圖次之天垂象示吉凶攷異邛又次馬承天時行霄運受籙保乾圖次之兩漢繼興天所授也漢舍準助佐期次之誠者天道王者所握握誠圖又次之其機難測其理難明幽則潛也曲如巴也潛潭巴又次之終以說題辭總解經言闡揚緯理也餘緯不入十三篇者據諸書箸錄有包命命曆叙勾命決含文嘉括地象少陽篇撰命篇春秋

災異春秋錄圖春秋祕事春秋文義春秋內事春秋玉版讖
考包命為元命包之謠勾命決為孝經緯之謠括地象為河
圖之謠含文嘉則白虎通論引禮緯春秋緯篇目不明之謠
也餘皆讖類例不錄

又孝經緯叙錄聖人圖志在春秋行在孝經孝經之作也北辰
降瑞赤帛裂書明者為經微者為緯經成四卷緯就二篇孝
通神明上假天命禎祥之應義舉之源炳哉麟哉綜貫之已
漢翟醜有援神句命解詰十二篇並部耆舊傳謂其弟子杜
真所著書久佚張彥遠名畫記又有孝經讖圖十二卷七錄
元命包一卷古祕援神一卷古祕圖一卷左右握二卷左右

契圖中契一卷分野圖一卷內事圖二卷內事星宿講堂七十二弟子圖一卷口授圖一卷雌雄圖二卷異本雌雄圖二卷雌雄圖五代會要載其書周顯德六年八月高麗遣使所進止說月之環暈星之孛孛災異之應龐元英云非奇書也宋永亨云本京房易傳日星占相之書也隋志又有孝經內事一卷朱彞尊謂係借經說災祥之事舊唐志有應瑞圖一卷內記星圖一卷元辰二卷齊民要術又引孝經河圖之目冊府元龜又有孝經皇義一卷宋均為河內太守時撰三國魏志宋符瑞志又引孝經中黃圖識汾冰又述孝經錯緯詭名煩眾皆識屑也正緯惟隋志載宋均注援神契七卷鉤命

決六卷者是嗚呼我夫子窮年韋布獲麟掩袂吾道終窮刪述之富煨於咸陽後世方術之士或託名以肆意或誣聖以自奇真者反隱偽者日新緯為識隱悲夫其亡者不可考已其幸存者或疑而不之信散佚無紀將就湮滅滋余懼也

崇尚

華陽國志十中王延世字長叔資中人也建始五年河決東郡
汜濫充豫四郡三十二縣漢史案圖緯當有能循禹之功
在提柯之資陽求之正得延世徵拜河堤謁者治河三十六
日堤防成帝嘉之改年曰河平

後漢書光武帝紀地皇三年南陽荒饑諸家賓客多為小盜光
武避史新野因賣穀於宛宛人李通等以圖讖說光武云劉
氏復起李氏為輔光武初不敢當然獨念兄伯升素結輕客
必舉大事且王莽敗亡_也北天下方亂遂與定謀於是過市
兵弩十月與李通從弟軼等起於宛

又行至鄠光武先在長安時同舍生彊華自關中奉赤伏符曰
劉秀發兵逋不道四夷雲集龍闕野四七之際火為主羣臣
因復奏曰受命之符人應為大萬里合信不議同情周之白
魚曷足比焉光武於是設壇場於鄠南卽皇帝位

東觀漢記光武紀自帝卽位按圖讖推五運漢為火德
又建武六年天下悉定惟獨公孫述隗囂未平帝猶以餘閒講
經藝發圖讖制告公孫述署曰公孫皇帝

華陽國志五公孫述移檄中國稱引圖緯世祖報曰西狩獲麟
讖曰乙子卯金卽以未歲授劉氏非西方之守也光廢昌帝
立子公孫卽霍光廢昌邑王立孝宣帝也黃帝姓公孫自以

上德居所知也漢家九百二十歲以蒙孫亡受以丞相其名
當塗高高豈君身耶

後漢書景丹傳世祖即位臣議文用平狄將軍孫咸行大司馬
衆咸不悅注東觀記曰載讖文曰孫咸征狄也

又王梁傳拜野王令世祖卽位議選大司空而赤伏符曰王梁
主衛作立武帝以野王衛之所從立武水神之名司空水土
之官也於是擢拜梁為大司空封武彊侯

又桓譚傳世祖卽位徵待詔後拜議郎給事中是時帝方信讖
多以決定嫌疑譚上疏曰凡人情忽於見事而貴於異聞觀
先王之所記述咸以仁義正道為本非有奇怪虛誕之事益

天道性命聖人所難言也自子貢以下不得而聞況後世淺
儒能通之乎今諸巧慧小才伎數之人增益圖書矯稱識記
以欺惑貪邪誣誤人主焉可不抑遠之哉臣譚伏聞陛下窮
折方士黃白之術甚為明矣而乃欲聽納識記又何誤也其
事雖有時合譬猶卜數筮偶之類陛下宜垂明聽發聖意屏
羣小之曲說述五經之正義略雷同之語俗詳通人之雅謀
帝省奏不悅其後有詔會議靈臺所處帝謂譚曰吾欲識決
之何如譚默然良久曰臣不讀讖帝問其故譚復極言讖之
非經帝大怒曰桓譚非聖無法將下斬之譚叩頭流血良久
乃得解

又鄭興傳帝嘗問興郊祀事曰吾欲以識斷之何如興對曰臣
不為識帝怒曰卿之不為識非之邪興惶恐曰臣於書有所
未學而無所非也帝意乃解興數言政事依經守義文章溫
雅然以不善識故不能任

東觀漢記光武紀建武十七年帝以日食避正殿讀圖識多御
坐廡下淺露中

後漢書祭祀志上建武三十二年正月上齋夜讀河圖會昌符
曰赤劉之九會命岱宗不煥克用何益於承識善用之姦偽
不萌感此文因詔松等按松復案索河雒識文言九世封禪
事松者等列奏乃許焉

又光武紀中元元年宣布圖讖於天下

東觀漢記明帝紀帝尤垂意經學剛定擬議稽合圖讖

後漢書明帝紀永平三年秋八月戊辰改太樂為太子樂

東觀漢記明帝紀詔曰尚書璇璣鈴曰有帝漢出德洽作樂名

予其改郊廟樂曰太子樂樂官曰太子樂官以應圖讖

後漢書章帝紀有司奏言孝明皇帝聰明淵塞著在圖讖注河

圖曰圖出代九天開明受用嗣興十代以光又括地象曰十

代禮樂文雅並出謂明帝也

魏志文帝紀注獻帝傳曰太史丞許芝條魏代漢見讖緯於魏
王曰春秋漢含孳曰漢以魏魏以徵春秋玉版讖曰代赤眉

者魏公子春秋佐助期曰漢以許昌失天下孝經中黃讖曰
日載東絕火光不橫一聖聰明此魏王之姓諱著見圖讖易
運期讖曰言居東西有干兩日竝光日居下其為主反為輔
五八四十黃氣受真人出又曰鬼在山禾女連王天下河洛
所衣圖讖所載昭然明白

蜀志先主傳魏文帝稱尊號或傳聞漢帝見害故議郎陽泉侯
劉豹等上言臣聞河圖洛書五經讖緯孔子所甄驗應自遠
謹案洛書甄耀度曰赤三日德昌九世會備合為帝際洛書
寶號命曰天度帝道備稱皇洛書錄運期曰九七傑爭命民
炊骸道路藉藉履人頭誰使主者玄且來孝經鉤命決錄曰

帝三建九會備太傅許靖等上言問黃龍見武陽赤水五日
乃去孝經援神契曰德至淵泉則黃龍見龍者君之象也大
王當龍升登帝位也考省靈圖啟發讖緯神明之表名諱昭
著宜卽帝位以纂二祖匡等謹擇令辰上尊號卽皇帝位於
成都武擔之南

燔禁

晉書石季龍載記上禁郡國不得私學星識敢有犯者誅
又符堅載記上及王猛卒堅置聽訟觀於未央之南禁老莊圖
識之學中外四禁二衛四軍長上將士皆令修學課後宮置
典學立內司以授于掖庭選閹人及女隸有聰識者署博士
以授經

魏書高祖紀太和九年春正月戊寅詔曰圖讖之興起於三季
既非經國之典徒為妖邪所憑自今圖讖祕緯及名為孔子
開房記者一皆焚之留者以大辟論

隋書高祖紀開皇十三年制私家不得隱藏緯候圖讖

又經籍志一宋大明中始禁圖讖梁天監已後又重其制及高祖受禪禁之踰切煬帝卽位乃發使四出搜天下書籍與讖緯相涉者皆焚之為史所糾者至死自是無復其學祕府之內亦多散亡

附歐陽修請刪正義中讖緯劄子唐太宗始詔名儒撰定九經疏號曰正義然其所載旣博所擇不精多引讖緯之書以相雜亂怪奇詭僻所謂非聖之書異乎正義之名也臣欲乞特詔名儒學官悉取九經之疏刪去讖緯之文

呂氏雜記下云時執政者不甚主張之事竟不付

緯學原流興廢考卷中

述史

吳縣蔣清翊

師承

清翊曰緯學東漢最盛然隋志稱言五經者皆憑識為說
惟孔安國毛公王璜賈逵之徒獨非之可見西京經師關
識緯者僅孔毛數大儒則此外習緯者尚多惜史籍失載
致後世無稽耳非袁平以前無緯也今孔毛諸儒闢緯之
說不傳矣而洪範傳與中候相符合可見孔亦不盡非之
厥後一再申禁至隋氏混一錮之愈切而緯學絕矣今次
其可考者於左

漢臨淮太守魯國孔安國

書洪範星有好風孔傳箕星好風孔疏經箕則多風傳記無其事鄭玄引春秋緯云月離于箕則風揚沙作緯在孔君之後以前必有此說孔依用之也。又見上河洛篇

漢中書令河內司馬遷

清詒按子長荅壺遂引易差以豪釐謬以千里二句顏師古注謂見易緯其引子曰我欲載之空言不如見之於行事之深切著明也錢大昕潛研堂荅問謂此語在春秋緯

漢大中大夫給事中平原東方朔

漢書東方朔傳字曼倩平原厭次人也

黼按朔對武帝亦引易曰正其本萬事理

失之未覩
差以千里

夏侯湛東方朔畫贊自三墳五典八索九丘陰陽圖緯之學
百家眾流之論周給敏捷之辯支離覆逆之數經脈藥石之
藝射御書計之術乃研精而究其理不習而盡其功經目而
諷於口過耳而闇於心

漢小黃令梁國焦延壽

漢魏郡太守東郡京房

漢小黃門譙敏

漢書京房傳字君明東郡頓丘人也治易事梁人焦延壽延
壽字贛贛常曰得我道以亡身者京生也其說長於災變分

六十卦更直日用事以風雨寒溫為候各有占驗房用之尤精注孟康曰分卦直日之法一爻主一日六十四卦為三百六十日餘四卦震離兌坎為方伯監司之官所以用震離兌坎者是二至二分用事之日又是四時各專王之氣各卦主時其占法各以其日觀其善惡也

曰小黃敏門譙敏碑字漢達其故光國師譙贛深明箕輿識錄圖緯能精微天意傳道與京君明君承厥後不忝其美幼而好學才略聰獻詩書是綜言合雅謨

隸釋十一

漢諫大夫東海翼奉

漢書翼奉傳字少君東海下邳人治齊詩好律歷陰陽之占

元帝舉直言極諫之士奉奏封事曰易有陰陽詩有五際春秋有災異臣奉竊學齊詩聞五際之要

漢騎都尉扶風李尋

漢書李尋傳字子長平陵人治尚書好洪範災異又學天文月令陰陽曲陽候王根厚遇尋乃說根曰書云天聰明益言紫宮極樞通位帝紀太微四門廣開大道五經六緯尊術顯士注孟康曰六緯五經與樂緯也張晏曰六緯五經就孝經緯也師古曰六緯者五經之緯及樂緯也孟說是也

王莽時道士西門君惠

漢書王莽傳下先是衛將軍王涉素養道士西門君惠君惠

好天文識記為涉言星字掃宮室劉氏當復興國師公姓名是也

王莽宗卿師南陽李守

漢大司空固始恭候南陽李通

後漢書李通傳字次元南陽宛人父守初事劉歆好星厯識記為王莽宗卿師通素聞守說識云劉氏復興李氏為輔私常懷之會光武避事在宛相見共語移日握手極歡通因具言識文事

漢南陽蔡少公

後書漢鄧晨傳王莽末光武嘗與兄伯升及晨俱之宛與穰

人蔡少公等譙語少公頗學圖讖言劉常秀為天子或曰是國師公劉秀乎光武戲曰何用知非僕邪坐者皆大笑

漢司徒扶風魯恭

後漢書魯恭傳字仲康扶風平陵人習魯詩。按恭議奏引易十二月君子以議獄緩死注易中孚象詞也稽覽圖中孚十二月卦也

漢太尉弘農劉寬

後漢書劉寬傳字文饒弘農華陰人也注謝承書曰寬少學歐陽尚書京氏易尤明韓詩外傳星官風角箕歷皆究極師法

太尉劉寬碑幼與同好錫墳典於第廬是以根經緯綜精微
錄釋十一

漢衛尉厨亭獻候蜀郡趙典

後漢書趙典傳字仲經蜀郡成都人博學經書注謝承書曰
典學孔子七經河圖洛書內外藝術靡不貫綜受業者百有
餘人

漢侍中扶風蘇竟

後漢書蘇竟傳字伯況扶風平陵人善圖緯能通百家之言
○清翊按竟與劉龔書多引圖讖占天象

公孫述將廣漢楊春卿

漢捷為周循

漢廣漢鄭伯山

漢華里先生炎高

漢光祿大夫國三老廣漢楊統

漢侍中廣漢楊厚

漢徵士廣漢昭約

漢徵士廣漢寇雱

漢徵士蜀郡何萇

漢徵士蜀郡候祈

後漢書楊厚傳字仲桓廣漢新都人祖父春卿

善書圖識學為

公孫述將漢兵平蜀春卿自殺臨命戒子統曰吾綈表中先祖所傳祕記為漢家用爾其修之統感父遺言服闋辭家從捷為周循學習先法又就同郡鄭伯山受河洛書及天文推步之術統作家法章句及內讖二卷解說位至光祿大夫為國三老統生厚厚少學統業精力思述初安帝永初二年太白入北斗洛陽大水朝廷以問統統對老年耳目不明于厚曉讀圖書粗識其意鄧太后使中常侍承制問之除為中郎太后特引見問昌圖讖厚對不合免歸復習業捷為永建二年順帝特徵厚行到長安呂病自上因陳漢三百五十年之厄宜蠲法改憲之道及消伏災異凡五事制書褒述及至拜

議郎三遷為侍中

華陽國志十中楊統字仲通新都人也事華里先生炎高高
戒統曰漢九世王出圖書興卿適應之建武初天下求通內
識二卷者不得永平中上家法章句及二卷解說為三老卒
內識二卷竟未詳又楊序弟子雒昭約節宰縣竹冠權文儀
蜀郡何萇初正侯祈升伯等皆徵聘辟舉馳名當世

漢徵博士北海郎宗

漢徵士北海郎顗

後漢書郎顗傳字稚光北海安丘人父宗字仲綏學京氏易
善風角星算六日七分能望氣占候吉凶顗少傳父業兼明

經典盡研精義夜占象度注風角謂候四方四隅之風以占
吉凶也星算謂善天文算數也易稽覽圖曰甲子卦氣起中
孚六日八十分日之七鄭玄注云六以候也八十分為一日
之七者一卦六日七分也

漢徵博士平原襄楷

後漢書襄楷傳字公矩平原隰陰人好學博古善天文陰陽
之術

漢長水校尉燕哀侯南陽樊儵

後漢書樊宏傳南陽湖陽人子儵字長魚永平元年與公卿
雜定郊祠禮儀呂識記正五經異說

漢大司空新息侯沛國朱浮

後漢書朱浮傳字叔元沛國蕭人浮以國學既興宜廣博士之選乃上書曰夫太學禮義之宮教化所由興也是以博舉明經唯賢是登伏聞詔書更試五人唯見取在洛陽城者臣恐四方之學無所勸樂臣幸得與講圖讖故敢越職

漢太僕安定梁松

後漢書梁統傳安定烏氏人子松字伯孫博通經書明習故事與諸儒修明堂辟雍郊祀封禪禮儀

又祭祀志乃詔松等復案索河洛讖文言九世封禪事者松等列表乃許焉

漢大司空武始節侯京兆張純

後漢書張純傳字伯仁京兆杜陵人純以聖王之建辟雍所以崇尊禮義旣富而教者也迺案七經議明堂圖河間古辟雍記孝武太山明堂制度及平帝時議欲具奏之純奏上宜封禪曰自古受命而帝治世之隆必有封禪以告成功焉樂動聲儀曰呂稚治人風成於頌有周之盛成康之間郊祀封禪皆可見也書曰歲二月東巡狩至於岱宗柴則封禪之義也

漢侍中魯國曹褒

漢侍中魯國曹褒

後漢書曹褒傳字叔通魯國薛人父充持慶氏禮顯宗即位
充上圖言漢再受命仍有封禪之事而禮樂崩闕不可為後
嗣法五帝不相沿樂三王不相襲禮大漢當自制禮呂示百
世帝問制禮樂云何充對曰河圖括地象曰有漢世禮樂文
雅出尚書璇璣鈴曰有帝漢出德洽作樂名予帝善之下詔
曰今且改太樂官曰太子樂歌詩曲操臣侯君子拜充侍中
作章句辨難於是遂有慶氏樂褒結髮傳充業會肅宗欲制
定禮樂章和元年褒受命次序禮事依準舊典雜以五經識
記之文撰次天子至於庶人冠昏吉凶終始制度以為百五
十篇奏上褒博物識古為儒者宗作通義十二篇演經雜論

百二十篇又傳禮記四十九篇

漢司空沛國陳寵

後漢書陳寵傳字昭公沛國浚人。按寵奏議歷引易通卦驗乾鑿度春秋保乾諸圖文

漢太尉沛國施延

後漢書陳忠傳沛國施延注謝承書曰延字君子蘄縣人也少為諸生明圖於五經星官風角靡有不綜

漢大司農北海鄭玄

後漢書鄭玄傳字康成北海高密人師事京兆第五元先始通京氏易公羊春秋三統歷九章算術又從東郡張恭祖受

周官禮記左氏春秋韓詩古文尚書以山東無足問者乃西
入關因涿郡盧植事扶風馬融融門徒四百餘人升堂進者
五十餘生玄在門下三年不得見廼使高業弟子傳受於玄
玄日夜尋誦未嘗怠倦會融集諸生考論圖緯聞玄善算廼
召見於樓上因從質諸疑義玄嘗以書戒子益恩曰吾博稽
六藝粗覽傳記時觀祕書緯術之奧凡所玄注周易尚書毛
詩儀禮禮記論語孝經尚書大傳中候乾象曆人著天文七
政論魯禮禘祫義六藝論毛詩譜駁許慎五經異義答臨孝
存周禮難凡百萬餘言

漢侍中扶風賈逵

後漢書賈逵傳字景伯扶風平陵人肅宗使出左氏傳大義
長於二傳者逵於是具條奏之曰臣以永平中上圖書左氏
與圖讖合者先帝不遺芻蕘有納臣言寫其傳詒藏之祕書
光武皇帝奮獨見之明興立左氏穀梁會二家先師不曉圖
讖故令中道而廢又五經家皆無以圖讖證圖讖明劉氏為堯
後者而左氏獨有明五經家皆言顓頊代黃帝而堯不得為
火德左氏以為少皞代黃帝即圖讖所謂帝宣也如今堯不
得為火則漢亦不得為赤其所發明補益實多

漢行中郎將事扶風班固

後漢書班固傳字孟堅博貫載籍九流百家之言無不窮究

○清邕按固撰白虎通德論多徵引緯書

漢河內太守南陽宋均

後漢書宋均傳字叔庠南陽安衆人以父任為郎時年十五好經書每休沐日輒受業博士通詩禮善論難○清邕按本傳不言注緯而隋志題魏博士宋均似別一人然冊府元龜六百五稱宋均撰孝經皇義一卷注詩緯十八卷注禮記默房二卷注樂緯二卷注孝經鉤命決六卷注孝經援神契七卷注論讖八卷後為河內太守是叔庠無疑矣存以俟攷

本傳有受業博士之語隋志豈因此而誤耶

漢沛獻王劉輔

緯學原流興廢攷中

十卷稽徐氏鐫

後漢書光武十王傳沛獻王輔好經書善說京氏易孝經論語傳及圖讖作五經論時號之曰沛王通論

漢東平憲王劉蒼

後漢書光武十王傳東平憲王蒼少好經書雅有智思

隋書經籍志一漢時又詔東平王蒼正五經章句皆命從讖漢太傅安樂鄉文恭侯南郡胡廣

後漢書胡廣傳字伯始南郡華容人注謝承書曰廣有雅才學究五經古今術藝皆畢覽之

蔡邕太傅胡公碑探孔子之房奧

漢將作大匠廣漢翟輔

後漢書翟酺傳字子超廣漢雒人好老子尤善圖緯天文歷算著授神鈞命解詁十二篇注益都耆舊傳曰時詔問酺陰陽失序水旱隔并其設消復興濟之本酺上奏陳圖書之意曰漢四百年將有弱主閉門聽難之禍數在三百年之間宜升厯改憲行先王至德要道奉率時禁抑損奢侈宣明質樸以延四百之難帝從之

華陽國志十中酺少事段翳

漢司隸校尉汝南應奉

後漢書應奉傳字世叔汝南南頓人少聰明讀書五行俱下
○清翊按世叔習緯事見後尹珍条下

漢濟北相涿郡崔瑗

後漢書崔駰傳涿郡安平人子瑗字子玉銳志好學年十八至京師從侍中竇憲質正大義遠善待之瑗因留遊學遂明天官歷數京房易傳六日七分

漢聘士豫章徐穉

後漢書徐穉傳字孺子豫章南昌人注謝承書曰穉少為諸生學嚴氏春秋京氏易歐陽尚書兼綜風角星官莫歷河圖七緯推步變易

漢聘士彭城姜肱

漢彭城姜仲海

漢彭城姜季江

後漢書姜肱傳字伯淮彭城廣戚人與二弟仲海季江以孝行著聞肱博通五經兼明星緯士之遠來就學者三千餘人諸公爭加辟命皆不就二弟名聲相次亦不應徵聘

太平御覽五百十圖五續漢書四肱與二弟仲海季江學皆通五經兼明星緯

漢徵士陳留申屠蟠

後漢書申屠蟠傳字子龍陳郡外黃人隱居精學博貫五經兼明圖緯

漢太尉弘農楊震

緯學原流興廢攷中

後漢書楊震傳字伯起弘農華陰人少好學受歐陽尚書於太常桓郁明經博覽無不窮究

太尉楊震碑博學甄微靡道不該又明尚書歐陽河洛緯度窮仲知變與聖同符

林釋十二

漢贈司空驃騎將軍臨晉文烈侯弘農楊賜

後漢楊賜傳字伯獻少傳家學篤志博聞。按賜對靈帝問歷引中孚經春秋識諸書

漢白馬令甘陵李雲

後漢書李雲傳字行祖甘陵人性好學善陰陽

魏志文帝紀注獻帝傳載太史丞許芝曰故白馬令李雲上

事曰許昌氣見於當塗高當塗高者當昌於許當塗高者魏也象魏者兩觀闕是也當道而高大者魏魏當代漢

漢侍中廣陵劉瑜

漢舉方正廣陵劉琬

後漢書劉瑜傳字季節廣陵人少好經學尤善圖讖天文麻算之術于琬傳瑜學明占候能著災異

漢尚書南陽張衡

後漢書張衡傳字平子南陽西鄂人少善屬文通五經貫六藝尤致思於天文陰陽麻算初光武善讖及顯宗肅宗因祖述焉自中興之後儒者爭學圖緯兼復附以妖言衡呂圖緯

虛妄非聖人之法乃上疏曰臣聞聖人明審律曆以定吉凶
重以之卜筮雜之以九宮經天驗道本盡於此或觀星辰逆
順寒燠所由或察龜策之占巫覡之言其所因者非一固也
立言於前有徵於後故智者貴焉謂之識書識書始出蓋知
之者寡自漢取秦用兵力戰功成業遂可謂大事當此之時
莫或稱識若夏侯勝眭孟之徒呂道術立名其所述著無識
一言劉向父子領校秘書閱定九流亦無識錄成哀之後乃
始聞之尚書堯使鯀理洪水九載績用不成鯀則殛死禹乃
嗣興而春秋識云共工理水凡識皆云黃帝伐蚩尤而詩識
獨以為蚩尤敗然後堯受命春秋元命包中有公輸班與墨

翟事見戰國非春秋時也又言別有益州益州之置在於漢世其名三輔諸陵世數可知至於圖中訖於成帝一卷之書互異數事聖人之言孰無若是殆必虛偽之徒呂嬰世取資往者侍中賈逵摘讖互異三十餘事諸言讖者皆不能說至於王莽篡位漢世大禍八十篇何為不成則知圖讖成於哀平之際也且河洛六藝篇錄已定後人及傳無所容莽永元中清河宋景遂呂林紀推言水災而偽稱洞視玉版或者至於棄家業入山林後皆無效而圖復采前世成事呂為證驗至於永建復統則不能知此皆欺世罔俗呂昧執位情偽較然莫之糾禁且律麻卦候九宮風角數有徵效世莫肯學而

競稱不占之書譬猶畫工惡圖犬馬而好作鬼魅誠以實事
難形而虛偽不窮也宜收藏圖識一禁絕之則朱紫無所眩
典籍無瑕玷矣○清翊曰平子言河洛六藝篇錄已定後人
皮傳無所容篡又言律曆卦候九宮風角數有徵效世莫肯
學則緯候與識在東漢原不相混謂按平子疏中但言圖識
之非無一語病緯者而上
云術以圖緯虛妄蓋史之失詞耳當
云術以圖識虛妄方與疏意相合

漢議郎扶風馬融

後漢書馬融傳字季長扶風茂陵人才高博洽為世通儒教
養諸生常有千數○清翊按季長緯學見上鄭玄傳

漢左中郎將高陽鄉侯陳留蔡邕

後漢書蔡邕傳字伯喈涿郡人少博學師事太傅胡廣好
辭章數術天文妙操音律。清玆按邕集章對多徵引緯書
漢徵士汝南周勰

後漢書周舉傳汝南汝陽人字勰字巨勝少尚玄虛慕老聃
清淨杜絕人事

蔡邕汝南周巨勝碑總六經之要括河洛之機

漢太上長潁川陳寔

後漢書陳寔傳字仲弓潁川許人少作縣吏後為都亭刺史
佐而有志好學生立誦讀縣令鄧邵試與語奇之聽受業太
學。清玆按仲弓緯學見後樊英傳

漢太尉漢中李固

後漢書李固傳字子堅漢中南鄭人司徒邵之子少好學注
謝承書曰固博覽古今明於風角呈箕河圖識緯仰察俯占
窮仲知變○清江按傳中對策亦多徵引緯書

漢尚書會稽魏郎

字

後漢書黨錮傳魏郎字少英會稽上虞人從博士邵仲信學
春秋圖緯

漢有道徵士太原郭泰

後漢書郭太傳字林宗太原界休人就成皋屈伯弓學博通
墳籍

蔡邕郭有道碑文考覽六經探綜圖緯

漢徵士廣漢任安

後漢書儒林傳任安字定祖廣漢綿竹人少遊太學受孟氏
易兼通數經又從同郡楊厚學圖讖究極其術時人稱曰欲
知仲桓問任安又曰居今行古任定祖

漢諫議大夫南陽尹敏

後漢書儒林傳尹敏字幼季南陽堵陽人初習歐陽尚書後
受古文兼善毛詩穀梁左氏春秋建武二年上書陳洪範消
災之術帝召敏博通經記今校園讖使銷去崔發所為王莽
者錄次比敏對曰讖書非聖人所作其中多近鄙別字頗類

世俗之辭恐疑誤後生帝不納敏因其闕文增之曰君無口
為漢輔帝見而怪之召敏問其故敏對曰臣見前人增損圖
書敢不自量竊幸萬一帝深非之

漢徵有道博士廣漢景鸞

後漢書儒林傳景鸞字漢伯廣漢梓潼人也少隨師學經涉
七州之地能理齊詩施氏易兼受河洛圖緯作易說及詩解
文句兼理河洛以類相從名為交集又撰禮內外記號曰禮
略又抄風角雜書列其占驗作興道一篇及作月令章句凡
所著述五十餘萬言

華陽國志十下景鸞少遊學七州遂明經術還乃撰禮略河

洛交集風角雜書月令章句凡五十萬言舉有道博士徵不
詣

漢千乘太守淮陽翟

後漢書儒林傳翟漢字公子淮陽人世習韓詩父子以章句
著名漢少傳父業尤善說災異繼緯教授常數百人建武初
為博士受詔校定圖讖

漢諫議大夫任城何休

後漢書儒林傳何休字邵公任城樊人精研六經世儒無及
者作春秋公羊解詁覃思不窺門十有七年又注訓孝經論
語風角七分皆經緯典謨不與守文同說

漢魏郡太守江夏黃香

後漢書文苑傳黃香字文彊江夏安陸人博學經典究精道術

太平御覽二百十五東觀漢記曰黃香知古今記羣書無不涉獵兼好圖讖天官星氣鍾律厯算窮極道術

漢博士燉煌侯瑾

後漢書文苑傳侯瑾字子瑜燉煌人少孤貧性篤學恒傭作為資暮還輒焚柴以讀書

水經注四十王隱晉書曰漢末博士燉煌侯瑾善內學

漢司空

據陳留范冉

冉或作丹

後漢書獨行傳范冉字史雲陳留外黃人到南陽受業於樊
英又遊三輔就馬融通經

漢巴郡任文孫

漢司空掾巴郡任文公

後漢書方術傳任文公巴郡閬中人父文孫明曉天官風星
祕要文公少脩父術

漢光祿勳汝南郭憲

後漢書方術傳郭憲字子橫汝南宋人少師事東海王仲子
太平御覽四百五十七汝南先賢傳曰郭憲學貫秘奧師事
東海王仲子

漢下邳令會稽謝夷吾

漢博士渤海郭鳳

後漢書方術傳謝夷吾字克卿會稽山陰人學風角占候第
五倫作司徒令班固為文薦夷吾曰少膺儒雅韜含六籍推
考星度綜校圖錄探賾聖祕觀變歷徵占天知地與神合契
時博士渤海郭鳳亦好圖讖善說災異吉凶占應

漢蜀郡文學掾蜀郡楊由

後漢書方術傳楊由字長侯蜀郡國都人少習易并七政元

氣風雲占候著書十餘篇名曰其平

漢舉有道丹陽李南

後漢書方術傳李南字孝山丹陽句容人少爲學明於風角
南女亦曉家術

漢司徒漢中李邵

後漢書方術傳李邵字孟節漢中南鄭人通五經善河洛風
星

漢隱士廣漢段翳

後漢書方術傳段翳字元章廣漢新野人習易經明風角

漢隱士汝南廖扶

後漢書方術傳廖扶字文起汝南平輿人專經精典尤明天
文識緯風角推步之術

漢祿光大夫南陽樊英

漢侍中陳郡卻巡

後漢書方術傳樊英字季齊南陽魯陽人少受業三輔習京氏易兼明五經又善風角星算河洛七緯推步災異著易章句世名樊氏學昌圖教授潁川陳寔少從英學陳郡卻巡學傳英業官至侍中

太平御覽三百七十三樊英別傳曰卻生名巡字仲信陳郡夏陽人

漢議郎東平王輔

後漢書方術傳東平王輔注謝承書曰輔字公助平陸人學

公羊傳援神契

漢郎中豫章唐檀

後漢書方術傳唐檀字子產豫章南昌人少遊太學習京氏易韓詩顏氏春秋尤好災異星占後還鄉里教授常百餘人著書二十八篇名為唐子

漢遼東屬國都尉北海公沙穆

後漢書方術傳公沙穆字文乂北海膠東人習韓詩公羊春秋尤銳思河洛推步之術

漢江夏太守會稽韓說

後漢書方術傳韓說字叔儒會稽山陰人博通五經尤善圖

緯之學

漢蜀郡屬國都尉廣漢董扶

後漢書方術傳董扶字茂安廣漢綿竹人與鄉人任安齊名
俱事同郡楊厚學圖緯

漢徵士扶風法真

後漢書逸民傳法真字高卿扶風郿人好學而無常家博通
內外圖典為關西大儒弟子自遠方至者陳留范冉等數百
人同郡田利薦真曰處士法真體兼四業學窮典奧

漢荊州刺史牂柯尹珍

後漢書西南夷傳牂柯桓帝時郡人尹珍自以生於荒裔不

知禮義乃從汝南許慎應奉受經書圖緯學成還鄉里教授於是南域始有學焉珍官至荊州刺史

華陽國志四明章之世毋斂人尸珍字道真從汝南許叔重受五經又師事應世叔學圖緯通三材

漢蜀郡何英

漢犍為屬國蜀郡何汶

華陽國志十何英字叔俊郡人學通經緯著漢德春秋十五卷孫汶字景由亦深學著世務論三十篇

漢河內鄭子侯

漢講學大夫廣漢楊宣

群學原流興廢攷中

二王晉稽徐氏鐫

華陽國志十中楊宣字君緯什_不人也少受學於楚國王子
張天文圖緯於河內鄭子侯師楊公叔能暢鳥言長於災異
教授弟子以百數平帝時命持節為講學大夫與劉歆共校
書

漢益州治中從事廣漢朱倉

華陽國志十中朱倉字雲卿什邡人受學於蜀郡張奐著河
洛解

漢徵士漢中衛衡

華陽國志十下衛衡字伯梁南鄭人也少師事隱士同郡樊
季齊

漢魯相史晨

魯相史晨祀孔廟奏銘伏念孔子乾《所挺西狩獲麟為漢
制作故孝經援神契曰立丘制命帝卯行又尚書考靈耀曰
丘生倉際觸期稽度為赤制故作春秋以明文命綴紀撰書
脩定禮義又昔在仲尼汁光之精大帝所挺顏母毓靈承啟
遭喪黑不代倉闕闕不應聘嘆鳳不臻自衛反魯養徒三千獲
麟起作端門見徵血書著紀黃玉辭應主為漢制道審可行
乃作春秋復演孝經刪定六藝象與天談鉤河撝雒却揆未
然穆穆蕩蕩興興乾比崇。洪适曰漢末專尚識緯乃以鉤
河撝雒而頌尼父鄙哉隸釋一

漢棗長河內蔡湛

棗長蔡湛頌字德子河內脩武人少耽七典

隸釋五

漢溧陽長陳國潘乾

溧陽長潘乾校官碑乾字元卓陳國長平人鬚髯

缺敏缺學

典謨祖講詩易剖演奧藝外覽百家衆缺挈聖

隸釋五

漢昌陽令潁川唐扶

漢成陽令唐扶頌字正南潁川郎人耽道好古敦書咏詩綜

緯河雒底究羣典又耽樂道述咀嚙七經五六六七訓邈若

神隸釋五

漢酸棗令廣陵劉熊

啟衆令劉熊碑字孟

缺

廣陵海西人守約履勤體聖心敏敦

五經之瑋圖兼古業敷其妙行脩言道

字缺

五

宜京夏莫不師

印六籍五典如源如泉又帥厲後學致之靡泮卓上之風莫

不響應悅誨日新砥

字缺

二

素七業勃然而興國咸居今而好

古律釋五

漢國三老陳國袁良

國三老袁良碑字厚卿陳國扶樂人親執經緯隱括在手

隸

釋六

漢從事掾武梁

從事武梁碑字綏宗治韓詩經開幘傳講兼通河雒諸子傳

緯學原流興廢攷中

三
王
晉
琰
氏
鑑



記廣學甄微窮綜典

缺

靡不

缺

覽

錄釋六

漢山陽太守濟陰祝睦

山陽太守祝睦碑字元德濟陰己氏人潛心耽學該洞七典

探噴窮神無物不辯

錄釋七

漢冀州從事張表

冀州從事張表碑字元異該覽羣經靡不究窮

錄釋八

漢廣漢屬國候李翊

廣漢屬國候李翊碑字輔國通經綜緯兼究古雅

錄釋九

漢高陽令楊著

高陽令楊著碑窮七道之真

缺

綜書籍

缺

特以儒學詔書勅

定經東觀順玄丘之指蜀歷世之疑 隸釋十一

漢廣漢屬國都尉丁魴

廣漢屬國都尉丁魴碑字叔河治易韓詩垂意春秋兼究秘
訣五義率由 隸釋十七

漢郃陽令燉煌曹全

漢郃陽令曹全碑字景完燉煌效穀人童齠好學甄極必緯
無文不綜金石存九

漢瑯琊王傳蔡朗

蔡邕瑯琊王傳蔡公碑君諱朗字仲明包洞典籍刊摘沉秘
微拜博士舒演與秘贊理闕文

漢時進大鴻臚南陽李休

蔡邕立文先生李子材碑名休字子材南陽宛人少以好學
遊心典謨既綜七經又精羣經鉤深極奧窮覽妙旨

漢姚俊

潘岳閑居賦李善注謝承後漢書曰姚俊尤明圖緯秘奧

漢郝氏

漢袁氏

漢郎中郝萌

隋書經籍志一漢代有郝氏袁氏說漢末郎中郝萌集圖緯
識雜占為五十篇謂之春秋災異

漢荊州五業從事南陽宋衷一作忠

册府元龜六百五宋衷字仲子南陽章陵人為荊州五等

志作五業從事注易九卷○隋按書志有宋忠注周易太玄法言

諸書不言注緯而文選李善注時引宋衷緯注

漢鉅鹿太守丹陽方儲

太平御覽二百六十七謝承後漢書曰方儲字聖明晚風角

占候

漢徵士宏農辛繕

太平御覽九百十六決錄江曰辛繕字公文治春秋識緯隱

居華陰光武徵不至

漢中散大夫東海王遼

葛洪神仙傳二王遠字方平東海人學通五經尤明天文圖
讖河洛之要

漢武都姜合

魏志文帝紀注獻帝傳曰左中郎將李伏表魏王曰昔武都
李庶姜合辭旅漢中謂臣曰定天下者魏公子桓臣以合辭
語張魯魯亦問於合知書所出合曰孔子玉版也合長於內
學聞合知名

魏太史丞許芝

按芝緯學見上崇尚篇

魏少府丞平原管輅

魏志方伎傳管輅字公明平原人注輅別傳曰明周易仰觀風角占相之道無不精微

漢魏徵士巴西周舒

蜀漢茂才巴西周羣

蜀志周羣傳字仲直巴西閬中人父舒字叔布少學術於廣漢揚厚名亞董扶任安數被徵終不詣時人有問春秋識曰代漢者當塗高此何謂也舒曰當塗高者魏也鄉黨學者私傳其語羣少受學於舒專心候業

蜀漢太常蜀郡杜瓊

蜀志杜瓊傳字伯瑜蜀郡成都人少受學於任安精究安術
華陽國志十杜瓊師事任定祖通經緯術藝

漢益州假師友從事巴西譙崙

蜀漢中散大夫晉散騎常侍陽城亭侯巴西譙周

蜀志譙周傳字允南巴西充國人父崙字榮始治尚書兼
通諸經及圖緯周耽古篤學研精六經頗曉天文而不以留
意咸熙二年夏巳郡文立從洛陽還蜀過見周周語次因書
版示立曰典午忽兮月酉沒兮典午者謂司馬也月酉者謂
八月也至八月而文王果崩

蜀漢大鴻臚蜀郡何宗

華陽國志十何宗字彥若郡縣人通經緯天官推步圖讖
蜀漢安漢令晉江陽太守蜀郡何隨

華陽國志十一何隨字季業蜀郡郫人治韓詩歐陽尚書研
精文緯通星麻

晉司空壯武郡公范陽張華

晉書張華傳字茂先范陽方城人學業優博朗瞻多通圖緯
方伎之書莫不詳覽

晉贈弘農太守河東郭璞

晉書郭璞傳字景純河東聞喜人好經術博學有高才妙於
陰陽算麻有郭公者客居河東精於卜筮璞從之受業公以

青囊中書九卷與之由是遂洞五行天文卜筮之術攘災轉禍通致無方雖京房管輅不能過也

葛洪神仙傳九郭璞鑒天文地理龜書龍圖又象讖緯安墓卜宅莫不窮微

晉隱士鄭隱

晉句伯令丹陽葛洪

晉書葛洪傳字稚川丹陽句容人少好學兄覽典籍尤好神仙導養之法從祖玄吳時學道得仙以其鍊丹秘術授弟子鄭隱洪就隱學悉得其法焉後師事南海太守上黨鮑玄玄亦內學逆占將來見洪深重之洪傳玄業兼綜練醫術

抱朴子遐覽篇昔者幸遇明師鄭君鄭君本大儒士也不徒明五經知僊道而已兼綜九宮三奇推步天文河洛識記莫不精研大安元年知季世之亂江南將鼎沸乃束投霍山莫知所在焉

又自叙篇其河洛圖緯一視便止不得留意也晚學風角望氣三元遁甲六壬太乙之法粗知其旨又不研精

晉徵散騎常侍會稽虞喜

晉書儒林傳虞喜字仲宣會稽餘姚人專心經傳兼覽識緯前趙大鴻臚贈太師雁門范隆

晉書儒林傳范隆字玄嵩雁門人博通經籍頗習秘脉陰陽

之學

晉國子祭酒贈大鴻臚盧江杜夷

晉書儒林傳杜夷字行齊廬江潛人博覽經籍百家之書算
脉圖緯靡不畢究

晉涼州張氏太子太傅敦煌宋纖

晉書隱逸傳宋纖字令艾敦煌效穀人明究經緯弟子受業
三千餘人

晉涼州太府左長史軍師將軍郭瑀

晉書隱逸傳郭瑀字元瑜敦煌人精通經義作孝經錯緯弟
子著錄千餘人

晉諫議大夫歷陽陳訓

晉書藝術傳陳訓字道元歷陽人少好秘學天文算麻陰陽占候無不畢綜

晉參軍吳興戴洋

晉書藝術傳戴洋字國流吳興長城人善風角妙解占候卜數祖約府內地忽赤如丹洋曰按河圖徵云地赤如丹血九九當有下反上者

晉南海太守東海鮑靚

晉書藝術傳鮑靚字太玄陳留人學內外明天文河洛書

壩城集仙錄南海太守鮑靚字太玄陳留人學通經緯

晉魏郡黃泓

前燕平舒伯給事中魏郡黃泓

晉書藝術傳黃泓字始長魏郡斥丘人父沈善天文秘術泓從父受業精妙踰深兼博覽經史尤明禮易

前秦徵士贈太師隴西王嘉

晉書藝術傳王嘉字子年隴西安陽人言未然之事辭如識記當時妙能曉之所造牽三歌識事過皆驗累世猶傳之

前趙太子少師持進闕中侯上洛臺產

晉書藝術傳臺產字國儒上洛人少專京氏易善圖識祕緯天文洛書風角星算六日七分之學尤善望氣占候推步之

術

晉僧燉煌三曇摩羅刹

高僧傳一三曇摩羅刹此云法護其先月支人本姓支氏世
燉居煌郡博覽六經遊心七籍○按法護晉武帝時人

太原尹軌

葛洪神仙傳九月軌字公度太原人博學五經尤明天文星
氣河洛讖緯無不精微

宋辟太尉掾雁門周續之

宋書隱逸傳周續之字道祖雁門廣武人其先過江居豫章
建昌縣豫章太守范甯於郡立學招集生徒續之年十二詣

寧受業居學數年通五經並緯候名冠同門號曰顏子

南史隱逸傳續之通五經五緯號曰十經

陳散騎常侍兼中書舍人黃門侍郎吳郡顧越

南史儒林傳顧越字允南吳郡鹽官人勵精學業不捨晝夜
至於微言玄旨九章七曜音律圖緯咸盡其精微

北魏贈定州刺史中山文懿公中山李先

魏書李先傳字容仁中山盧奴人少好學善占相之術太祖
問先曰卿經學所通何典為長先對曰臣才識愚闇少習經
史年荒廢忘十猶通六又問兵法風角卿悉通不先曰亦曾
習讀不能明解又問曰天下書籍凡有幾何朕欲集之如何

可備對曰伏羲創制帝王相承以至於今世傳國記天文祕緯不可計數陛下誠欲集之嚴制天下諸州郡縣搜索備送北魏宣威將軍河內常爽

魏書儒林傳常爽字仕明河內溫人篤志好學博聞彊識明習緯候五經百家多所研綜

北魏國子助教武邑劉蘭

魏書儒林傳劉蘭武邑人年三十餘始入小學受春秋詩禮於中山王保安兼通五經先是張吾貴以聰辨過人其所解說不本先儒之旨唯蘭推經傳之由本注者之意參以緯候及先儒舊事甚為精悉自後經義審博皆由於蘭

北魏傲士勃海刁冲

魏書儒林傳刁冲字文朗勃海饒安人學通諸經編修鄭說陰陽圖緯算數天文風氣之書莫不周綜當世服其精博

北魏中外府諮議參軍長子伯上黨李業興

北魏儒林傳李業興上黨長子人少耿介志學後乃博涉百家圖緯風角天文占候無不詳練

北齊贈司徒公錄尚書事西陽郡文明王丹陽徐之才

北齊書徐之才傳丹陽人幼而偶發五歲誦孝經八歲略通義旨少解天文兼圖讖之學共館客宋景業參校吉凶知午年必有革易因高德政啓文之宣聞而大悅

北齊散騎侍郎廣宗宋景業

北齊書方伎傳宋景業廣宗人明周易為陰陽緯候之學兼明歷數顯祖作相在晉陽景業因高德政上言易稽覽圖曰鼎五月聖人君天與延年齒東北水中庶人王高得之謹案東北水圖謂渤海也高得之明高氏得天下也高德政徐之才竝勸顯祖應天受禪乃之鄴

後梁散騎常侍太常卿隋贈使持節上開府儀同三司許州刺史吳興沈重

北周書儒林傳沈重字德厚吳興武康人專心儒學博覽羣書尤明詩禮及左氏春秋為當世儒宗至於陰陽圖道經釋

典靡不畢綜又多所撰述咸得晉指要

北周露門學博士下大夫長樂熊安生

北周書儒林傳熊安生字植之長樂阜城人少好學勵精不倦遂博通五經然亦於三禮教授弟子自遠方至者千餘人乃討論圖緯摭摭異聞先儒所未悟者皆發明之

隋贈員外散騎常侍恒山房暉遠

隋書儒林傳房暉遠字崇儒恒山真定人世傳儒學暉遠幼有志行治三禮春秋三傳詩書周易兼善圖緯恒以教授為務遠方負笈而從者動以千計

隋大學博士武安馬光

隋書儒林傳馬光字榮伯武安人少好學從師數十年晝夜
不息圖書識緯莫不畢覽尤明三禮為儒者所宗

隋正議大夫丹陽諸葛穎

隋書文學傳諸葛穎字漢丹^陽建康人習周易圖緯倉雅莊

子頗得其要清辯有俊才

隋太府少卿加位開府南蘭陵蕭吉

隋書藝術傳蕭吉字文休梁武帝兄長沙宣武王懿之孫也
博學多通尤精陰陽算術○按吉上文帝書引樂汁圖徵云
云

緯學原流興廢攷卷下

述史樓

吳縣蔣清刻

論說

後漢書方術傳序仲尼稱易有君子之道四焉曰卜筮者尚其
占也者先王所以定禍福決嫌疑幽贊於神明遂知來物者
也若夫陰陽推步之學往往見於墳記矣然神經怪牒玉策
金繩關扃於明靈之府封滕於瑤壇之上靡得而闕也至乃
河洛之文龜龍之圖箕子之術師曠之書緯候之部鈐決之
符皆所以探抽冥蹟參驗人區時有可聞者焉其流又有風
角遁甲七政元氣六日七分逢占日者挺專須臾孤虛之術

及望雲省氣推處祥妖時亦有以效於事也而斯道隱遠玄
奧難原故聖人不語怪神罕言性命或開末而抑其端或曲辭
以章其義所謂民可使由之不可使知之漢自武帝頗好方
術天下懷協道義之士莫不負策抵掌順風而屈焉後王莽
矯用符命及光武尤信讖言士之赴趨時宜者皆馳騁穿鑿
爭談之也故王梁孫成名應圖籙越登槐鼎之任鄭興賈逵
以附同稱顯桓譚尹敏以乖忤淪敗自是習為內學尚奇文貴異數不乏於時矣是以通儒碩生忿其姦妄不
經奏議慷慨以為宜見藏擯子長亦云觀陰陽之書使人拘
而多忌益為此也夫物之所偏不能無蔽雖云大道其蔽或

同若乃詩之失愚書之失誣然則術數之失至於詭俗乎如
令溫柔敦厚而不愚斯深於詩者也疏通知遠而不誣斯深
於書者也極數知變而不詭俗斯深於數術者也故曰苟非
其人道不虛行意者多述其統取遺頗偏甚有雖流宕過誕
亦失也中世張衡為陰陽之宗郎顗咎徵最密餘亦班班名
家焉其徒亦有推才偉德未必體拙藝能今益糾其推變尤
長可以弘補時事因合表之云

荀悅中鑒俗嫺篇世稱緯書仲尼之作也臣悅叔父故司空爽
辨之益發其偽也有起於中興之前終張之徒之作乎或曰
雜曰以己雜仲尼乎以仲尼雜己乎若彼者以仲尼雜己而

已然則可謂八十一首非仲尼之作矣或曰燔諸曰仲尼之作則否有取焉則可易其燔○清翔曰古人論緯此言最得中

周禮春官大司樂鄭注孝經說賈疏孝經說者說卽緯也時禁緯故云說

禮檀弓下孔疏鄭志張逸問禮註曰書說書說何書也答曰尚書緯也當為江時在文網中嫌引秘書故諸所牽圖讖皆為之說云

因學記聞經說篇鄭康成注二禮引易說詩說樂說春秋說禮家說孝經說皆緯候也河洛七緯合為八十一篇河圖九篇

洛書六篇又別有三十篇七經緯三十六篇易緯稽覽圖乾
鑿度坤靈圖通卦驗是類謀辨終備書緯璇璣鈴考靈曜刑
德放帝命驗運期授詩緯推度災沴歷樞含神務禮緯含文
嘉稽命徵斗威儀樂緯動聲儀稽耀嘉汁圖徵孝經緯援神
契鈞命決春秋緯演孔圖元命包文耀鈞運斗樞感精符合
誠圖攷異郵保乾圖漢含孳佑助期握誠圖潛潭巴說題辭
又有尚書中候論識在七緯之外按李尋有五經六緯之言蓋
起於哀平至光武篤信之諸儒習為內學隋焚其書今惟易
緯存焉正義多引識緯歐陽公欲取九經之疏刪去識緯之
文使學者不為怪異之言惑亂然後經義純一其言不果行

又宋符瑞志云孔子齋戒向北辰而拜告備於天曰孝經四卷春秋河洛凡八十一卷謹已備矣是以聖人為巫史也緯書謬妄而沈約取之無識甚矣

高

宋純皇帝御製題乾坤圖鑿度圖不知詩乾坤兩鑿度撰不知誰氏矯稱圖帝言蒼頡為修飾以余觀作者蓋後於莊子南華第七篇率已揭其旨倏忽鑿七竅竅通混沌死圖乾坤即倏忽渾沌實太始乾坤既鑿開太始斯淪矣言易祖繫辭頗覺近乎理靈圖測陰陽乃或述識緯有純亦有疵稽古堪資耳黃震著日鈔所論正非鄙欽若斯足徵撫卷勵顧諟

四

庫全書提要按乾坤鑿度隋唐志崇文總目皆未著錄至宋元

御

讀

祐間始出紹興續書目有倉頡注鑿度二卷後以鄭氏所注
乾鑿度有別本單行故亦稱此本為《鑿度》程龍謂隋焚讖
緯無復全書今行於世惟乾坤二鑿度者是也其書分上下
二篇上篇論四門四正取象取物以至卦爻著策之數下篇
謂坤有十性而推及於蕩配陵配又雜引萬形經地圖形經
制靈經著成經含靈孕諸緯文詞多聲牙不易曉故晁公武
疑為宋人依託胡應麟亦以為元包洞極之流而胡一桂則
謂漢去古未遠尚有祖述有裨易教評隲紛然真偽莫辨伏

製題乾坤鑿度詩定作者為後於莊子而舉應帝王篇所云儵

緯學原流興廢攷下

四

會稽徐氏鐫

忽混沌分配乾坤太始以推求鑿字所以命名之義援摭精
核折衷至當臣等因考列子白虎通博雅諸書皆以太易太
初太始太素為氣形質之始與鑿度所言相合獨莊子於外
篇天地畧及泰初有無之語而其他名目概未之見則倏忽
混沌實卽南華氏之變文作鑿度者復本其義而緣飾之耳
仰蒙

聖明剖示精確不刊洵永為是書足論矣案七經緯皆佚於唐存
者獨易逮宋末而盡失其傳今永樂大典所載易緯具存多
宋以後諸儒所未見而此書實為其一謹校定謬闕釐勘審
正冠諸易緯之首而恭疏其大旨於簡端

又案周易乾鑿度鄭康成注與乾坤鑿度本二書晁公武並指
為倉頡修古籍文誤併為一永樂大典遂合加標目今考宋
志有鄭康成注易乾鑿度三卷而不及乾坤鑿度則知宋時
固自單行也說者稱其書出於先秦自後漢書南北朝諸史
及唐人撰五經正義李鼎祚作周易集解徵引最多皆於易
旨有所發明較他緯獨為醇正至於太乙九宮四正四維皆
本於十五之說乃宋儒戴九履一之圖所由出朱子取之列
於本義圖說故程太昌謂漢魏以降言易學者皆宗而用之
非後世所託為誠稽古者所不可廢矣原本文字斷闕多有
謬舛謹依經史所引各文及旁采明錢叔寶舊本互相校正

增損若干字其定為上下二卷則從鄭樵通志之目也

又案後漢書樊英傳注舉七緯之名以稽覽圖冠易緯之首隋志鄭康成注易緯八卷唐志宋均注易緯九卷皆不詳其篇目宋志有鄭康成注稽覽圖一卷通志七卷而馬氏經籍考載易緯七種亦首列鄭注稽覽圖二卷獨陳振孫書錄解題別出稽覽圖三卷稱與上易緯相出入而詳略不同似後人掇拾緯文依託為之者非即康成原注之本自宋以後其書亦久佚弗傳今永樂大典載有稽覽圖一卷謹以後漢書郎顗楊賜傳隋書王劭傳所見緯文及注參校無不符合其為鄭注原書無疑惟陸德明釋文引無以教之曰蒙太平御覽

引五緯各在其方之文此本皆闕如則意者書亡僅存已不免於脫佚矣其書首言卦氣中孚而以坎離震兌為四正卦卦主六日七分又以自復至坤十二卦為消息餘雜卦主公卿侯大夫候風雨寒溫以為微應蓋即孟喜京房之學所自出漢世大儒言易者悉本於此最為近古至所稱軌筭之數以及世應遊歸乃兼通於日家推步之法考唐一行推大衍之策以算術本於易故其本議言代軌德運及六卦議言一月之策九六七八發欽術言中節候卦皆與稽覽圖相同獨所云天元甲寅以來至周宣帝宣政元年則似甄鸞所推甲寅元麻之術而又有云太初癸巳則古無以此為元者其他

雜引宋永初元嘉魏始光唐上元先天貞元元和年號紛錯不倫蓋皆六朝迄唐術士先後所附益非稽覽圖本文今審數詞義隨文附書以為區別竝援經注史文是正謬舛依馬氏舊錄析為上下二卷庶言易學者或有所考見焉

又案辨終備一作辨中備後漢書樊英傳注易緯凡六為稽覽圖乾鑿度坤靈圖通卦驗是類謀而終以此篇馬氏經籍攷皆稱為鄭康成注而辨終備著錄一卷今永樂大典所載僅寥寥數十言已非完本且其文頗近是類謀而史記正義所引辨中備孔子與子貢言世應之說與此反不類或其書先佚而後人雜取他緯以成之者同本可定也然別無可證姑

仍舊題云

又案易緯通卦驗馬端臨經籍考及宋史藝文志俱載其名黃震
日鈔謂其書大率為卦氣發朱彝尊經義考則以為久佚今
載於說卦者皆從類書中湊合而成不逮什之二三蓋是書
之失傳久矣經籍考藝文志舊分二卷此本卷帙不分核其
文義似於人主動而得天地之道則萬物之蘊盡矣以上為
上卷曰凡易八卦之氣驗應各如其法度以下為下卷上明
稽應之理下言卦氣之徵驗也至其中譌脫頗多注與本文
往往相混其字句與諸經注疏續漢書劉昭補注歐陽詢藝
文類聚徐學初學記宋白太平御覽孫覿古微書等書所徵引

亦互有有異同第此書久已失傳當世並無善本可校類書
所載亦輾轉訛舛不盡可據謹於各條下擬立案語其與注
相混者悉為釐正脫漏異同者則詳加參校與本文兩存之
益通其所可知闕其所_不可知亦闕疑仍舊之義也

又案乾元序制記後漢書注七緯名竝無其目馬氏經籍考始
見一卷陳_張國孫疑為後世衍士附益之書今考此篇首簡文
王比隆興始霸云云孔穎達詩疏引之作是類謀疏又引坤
靈圖法地之瑞云云今坤靈圖亦無其文而與此篇文義相
合又隋書王劭傳引坤靈圖泰姓商名宮之文亦在此篇至
其所言風雨寒溫消息之術乃與稽覽圖相近疑本古緯所

無而後人於各緯中分析以成此書者晁公武謂本其出於李淑當亦唐宋間人所妄題耳

又案是類謀一作筆類謀馬氏經籍考一卷鄭康成注其書通以韻語綴輯成文古質錯綜別為一體藝文類聚太平御覽諸書引其文頗多與此本參校竝合蓋視諸緯略稱完備其間多言禳祥推驗竝及於姓輔名號與乾鑿度所引易歷者義相發明而隋書律曆志載周太史上士馬顯所上表亦有上羊金雞之語則此書固隋以前言術數者所必及也

又案坤靈圖孫綬謂配乾鑿度名篇馬氏經籍考著錄一卷今僅存論乾元吳大蕃卦辭及史注所引日月連璧數語則其

關伏者蓋已夥矣考後漢書注易緯坤靈圖第三在辨終備是類謀之上而王應麟玉海謂三館所藏有鄭注易緯七卷稽覽圖一辨終備四是類謀五乾元序制記六坤靈圖七二卷三卷無標目永樂大典篇次亦然今略依原第編書蓋從宋時館閣本也

日知錄三十史記趙世家扁鵲言秦穆公寤而述上帝之言公孫支書而藏之秦識於是出矣秦本紀燕人盧生使入海還以鬼神事因奏錄圖書曰亡秦者胡也然則識記之興實始於秦人而盛於西京之末也

又自漢以後凡世人所傳帝王易姓受命之說一切附之孔子

如沙丘之亡卯金之興皆謂大子前知而預為之識其書在
不一矣魏高祖太和九年詔自令圖讖祕緯及名為孔子閉
房記者一皆焚之留者以大辟論舊唐書王世充傳世充將
謀篡位有道士桓法嗣者自言解圖讖乃上孔子閉房記畫
作丈夫持一竿以驅羊釋云隋楊姓也于一者王字也王居
羊後明相國代隋為帝也世充大悅詳此乃似令人所云推
背圖者令則仍託之李淳風而不言孔子

朱彝尊說緯緯讖之書相傳始於西漢哀平之際而小黃門譙
敏碑稱其先故國師譙贛深明典奧讖錄圖緯能精微天意
傳道與京君明則是緯讖遠本於譙氏京氏也徵之於史如

亡秦者胡明年祖龍死楚距三尸亡秦必楚已為緯識兆其
端矣迨新莽之篡丹書白石金匱銅符海內四出於是劉京
謝囂臧洪袁章甄尋西門君惠等爭言符命遂遣五威將軍
王奇等乘乾文車圖坤六馬將軍持節稱天一之使帥持幢
稱五帝之使頒符命四十二篇於天下不過藉以愚一時之
耳目爾乃光武篤信不疑至讀之庶下終東漢之世以通七
緯者為內學通五經者為外學蓋自桓譚張衡而外鮮不為
所惑焉其見於范史者無論謝承後漢書稱姚俊尤明圖緯
祕奧又稱姜肱博通五經兼明星緯載稽之碑碣於有道先
生郭泰則云考覽六經探綜圖緯于太傅胡廣則云探孔子

之房與于琅邪王傳蔡朗則云色洞典籍刊摘況秘於中郎
周勰則云總六經之要括河洛之機於大鴻臚李休則云旣
綜七籍又精羣經於國三老袁良則云親執經緯彙括在手
於太尉楊震則云明河洛緯度窮神知變於山陽太守祝睦
則云七典並立又云該洞七典探賸窮神於咸陽令唐扶則
云綜緯河洛咀嚼七經於酸棗令劉熊則云敦五經之緯圖
兼古業覈其妙七業勃然而興於高陽令楊著則云窮七道
之奧於郃陽令曹全則云甄極密緯靡文不綜於葉長蔡湛
則云少耽七典於從事武梁則云兼通洛河於冀州從事張
表則云該覽羣緯靡不窮究於廣漢屬國都尉丁魴則云兼

祕緯於廣漢屬國侯李翊則云通經綜緯至於頌孔子之聖
稱其鈞河摘洛蓋當時之論咸以內學為國重及昭烈卽位
羣臣勸進廣引洛書孝經緯文蕭綺所云識辭煩於漢末不
証也然鄭康成注周官目孝經緯為說賈公彥疏以漢時禁
緯故則又未始不禁之矣自晉以降其學浸微然釋慧皎作
高僧傳稱法護博覽六經遊心七籍沈約作宋書於天文五
行符瑞亦備引緯候之說蕭子顯南齊書志亦然而周續之
兼通五經五緯號為十經直至隋焚禁之後流傳漸罕乃國
孔氏穎達賈氏公彥徐氏彥猶據以說經杜氏公瞻歐陽氏
詢虞氏世南徐氏堅編輯類書間亦引證今則樊英傳注所

載隋唐經籍志所錄太平御覽所采學士大夫能圖其名者寡矣

江師韓韓門綴學一漢哀平之世識緯興焉緯有七凡三十六篇易之緯六曰稽覽圖乾鑿度坤靈圖通卦驗是類謀辨終備詩之緯三曰推度災沴樞含神霧書之緯五曰璇璣鈴考靈曜帝命驗形德放運期授禮之緯三曰含文嘉稽命徵斗威儀樂之緯三曰動聲儀稽耀嘉叶圖徵孝經之緯二曰援神契鈎命決春秋之緯十四曰演孔圖元命苞文耀鈎運斗樞感精符合誠圖考異郵保乾圖漢含華佐助期握誠圖潛潭已說題詞命麻序凡三十六篇所謂七緯也因學記聞

載七經緯闕載命曆序數只三十有五應是遺漏李善文選注易緯無稽覽圖辨終備書緯無運期授而易有通系卦樂有樂錄圖秋春有孔錄法其通系卦或卽通卦驗也太平御覽書緯有帝驗期禮緯有稽命曜或卽帝命驗與稽命徵而孝經有左方契威嬉拒則又選注所不及也隋書言河圖九篇洛書六篇自黃帝至周文王所受本文又別有三十篇自初起至於孔子九聖之所增衍以廣其意又有七經緯三十六篇並為孔子所作並前合為八十一篇今考尚書中候之外河圖九篇具見選注曰括地象曰帝覽嬉曰帝通紀曰著命曰閭包受曰會昌符曰龍文曰玉版曰考鉤其數相符惟

洛書只有其二曰摘亡辭曰夫淮聽而有獨稱尚書雜書者豈本無篇名邪又有曰春秋河圖揆命篇者豈卽著命邪有樂錄圖又有春秋錄圖其皆在三十篇之數邪隋書於中候外有洛罪級五行傳文獻通考有坤鑿度乾坤鑿周易乾元序制記名之各異其同異不可知矣至識與緯異而唐志有論語緯十卷則識亦稱緯識有十其可舉者曰論語比考識論語撰考識論語陰嬉識論語糾滑識論語摘輔象識論語素王受命識論語崇爵識論語摘衰聖承進識尚有二者之名不知也鄭氏釋禮於七緯皆曰說不曰緯自漢以來通內學者竹垞考之正史及諸碑版作說緯載集中○清翊按汪

氏謂春秋緯十有四疑因學記聞闕載命曆序其實王氏所
據樊英傳注耳趙鹿園輯七緯亦無命曆序所謂七緯三十
六篇本者隋書志然玩隋志本文似詩推度災記曆樞含神霧
孝經鉤命決援神契五篇又在三十六篇之外不知汪氏毅
然以命曆序入七緯何所依據

全祖望原緯緯書之說吾黨所羞稱然除災祥怪誕之外不無
可采如律曆之積分典禮之遺文旁羅博綜其言有物但使
擇焉而精未嘗不有資經術也按隋書經籍漢時緯書大行
言五經者皆為其學惟孔安國毛公王璜賈逵之徒獨非之
相承以為妖妄故因魯恭王河間獻王所得古文參而攷之

以成其義然則讖候流傳直出諸經師箋故之前後世以為
始於東京者尚考之不詳也銅符金匱萌於周秦之世王澤
既衰偽言日起但百家襍流不過自命為子而緯則竊附於
經是以儒者不免為所惑以聖人春秋之圖筆削重以子夏
之謹守也而再傳之公羊遂有善讖之名然則其淵源不亦
遠乎哉是故秦有孫公枝之冊而兆西戎之霸趙有董安于
之冊而兆孟姚之亡陳寶之祀野雞養弘之射狸首或識三
戶之復楚或徵二世之亡秦夫圖非圖錄之微言也且夫天
垂象見吉凶是不易之理也五行之運如環無端是自然之
運為緯者未嘗不竊是意以炫飾其間豈知其惑世而誣民

一至此哉吾觀西漢大儒雖以董仲舒劉向尚不免於災祥之說則隋志所云果為不誣又未嘗不歎儒者之不善讀緯而反以其所學陷溺其中也若鄭康成於緯或稱為傳或稱為說正義以為漢時禁緯故持諱之則未必然隋志漢時詔東平王蒼正五經章句皆命從譏安在其禁之也觀康成答張逸曰當為注時在文網中嫌引祕書故隱其名然則康成因己黨錮之故有所忌而不言耳非漢世禁緯之明文也獨隋煬帝焚緯書而唐初諸公如孔穎達李善輩皆淹通貫穿則其在民間亦者未能盡毀也經學旣昌彼誕妄者將何所用之哉

順宣作頤

天

錢大昕易稽覽圖序易緯有六家今行於世者惟乾鑿度上下二卷此外絕無傳本乾隆癸巳春

子詔儒臣校永樂大典擇世所未見之書凡若干種將刊布以嘉惠學者易稽覽圖其一也謹案此書首言甲子卦氣起中孚卦氣之法以坎離震兌四正卦主春夏秋冬爻主一氣餘六十卦卦主六日八十分日之七始中孚終贖而周一歲之日大指卽說卦傳帝出乎震一章之文而推演之其以風雨寒溫驗政治得失亦與洪範五行相表裏漢人引此書者或稱中孚經或稱中孚傳或稱易內傳或稱易傳益七十子之微言間有存者而術士迂怪之說亦頗徠其中要其精者足

以傳經義其駁者亦足以博異開窮經嗜古之士宜有取焉
弟中多脫簡譌字難以盡通安得博物如鄭康成何邵公者
出而正之

潛研堂答問六問七經緯不載於漢藝文志圖傳昉於袁平之
間然太史公書引孔子云我欲載之空言不如見之於行事
激切著明也此語在春秋緯又引易失之毫釐差以千里亦
易緯文太史公嘗見緯書乎曰緯候多孔氏七十子之遺
言後來方士采取又以誕妄之說附益之光武應符讖以興
故其書大行於東漢後儒惡其妄并其言之醞者一概并之
未免不分皂白矣

趙在翰七緯總叙七緯配七經而出也帝王神聖之興沈浮交錯之運三古洪纖之度五氣休咎之徵經聞其理緯釋其象經陳其常緯究其變所以挾摘天人絃維王政輶輅詰訓榮鏡物情者譬之四七列次七政以齊三五餘分四時以定昔孔繇先命魯儒闡揚蓋在是矣世愛文隱祕藏晚出漢世諸儒並藉據其文以通經藝北海鄭君訓注炳著宋氏兄弟繼踵續修而言占候者或窺其旨以司天談術數者遂竄其說以惑世真雖存偽矣亦憑焉建武以來興讖並稱隋滅其書咎有由致然而緯自緯讖自讖詭號亂流遽義懸越許愬云緯者有經必有緯徐廣云讖之為言讖其義纖微楊侃謂緯

書謂祕經圖識為內學河洛為靈篇別白緯識諸論為精而
世乃與方士錄圖閉房私記比例齊觀圖勿道不亦過乎
所幸逸冊斷簡厯劫猶存賈孔歐虞微引具在明孫穀始蒐
輯為古微書撥煨燼之寒灰綴什一之餘緒洵漢學之後勁
華容之先達也但孫氏所撫尚有遺文且良辰不明雜入諸
識厥功雖勤不無可議

聖

朝文治景鑠經術昌明羅列易緯補晉完書漢學之興於斯為
盛在翰少蒙義方略圖窺經訓竊以世代懸邈立言湮散義在
稽古是須廣求謹刊易緯布廣前文復取古微書補其闕漏
正其踳駁本清書藝文志著錄以纂集依書詩禮樂春秋孝

經以立次纂成二十有九卷附於易緯之後總題曰七緯從其朔也

俞正燮緯字論漢人言緯識非聖人所作中多近鄙別字頗類世俗之辭恐貽誤後生今檢五行大義釋名引元命包云水立字兩人交一從中出者為水一者數之始兩人譬男女陰陽交以起一也開元占經地名體引元命包云地者易也言萬物懷任易變化含吐應節故其為字土力於乙者為地此
誤日名體引元命包云四合共一者為日太平御覽引元命包云日者口合共一又云兩口御士為喜人云屈中挾乙而起者為史又云仁者情志好生人故其為人以仁其立字二

人為仁又云八推十為木八者陰合十者陽數亦解又云十

加一為上廣韻十月引元命包云罔言為罍刀罍為罰初學

記引元命包云人散二者為火說邪載元命包云延尉立字

士垂一人

以篆形言

詰屈折著為延示戴尸首以寸者為尉言寸

度治法數之分惟尸稽於十舍則法有分誅故為尉示尸寸

一切經音義分別業報略集引春秋元命包云刑字從刀從

井井以飲人人入井爭水陷於泉以刀字之割其情欲人畏

慎以全命也故從刀從井也月令正義藝文類聚並引說題

辭云星精陽之榮也陽精為日日分為星故其字日下生也

法苑珠林引說題辭云天合為大一分為殊石故立字一大

為天太平御覽引說題辭云含字為言口含也劉又云西米
為東西者金所立米者陽精又云黍者緒也故其立字禾入
水為黍又引考異邛云其字虫動於凡中者為風注云虫動
於凡中言陽氣無不周也文選西都賦注引春秋漢含孽云
劉季握卵金刀卵在東方陽所立仁且明金在西方陰所立
義成功刀居右字成章刀擊黍枉矢東流顏氏家訓書證引
春秋說云人十四心為德詩說云二在天下為酉其言或是
或否緯直記之而已漢以泉為白水並為千里草魏以角為
刀下用泰以田斗為卑音以亨為二月了恭為黃頭小人家
以劉有兩口齊以桑為四十而有兩點梁以填為一十一十

月一八又以侯景為小人百日侯景以侯為天一人周以宣
政為宇文亡日隋以業為苦來唐以元吉合成唐字李為十
八子遼以永為漢土二水史皆記之緯記言而已豈能日持
六書之義執談字形述謠識之人而一一代之改訂也隋志
言求漢俗儒趨時增廣史緯之體應爾不得云俗儒趨時也

癸巳類
稿七

又緯書論緯者古史書也通記天地人蓋靈臺所候簿圖古之
藏書在史氏稽之天文察之地理知七政五步十二次之度
五方剛柔習尚山川險阻明堂四門延訪得窮荒之迹合之
三皇五帝外史之學太史小史馮相保章內史外史御史官

為聯明堂太廟靈臺辟雍觀臺類宮地相接其中書皆史也
史者鄭注周禮云目官也而記事焉聖人以人合天故古為
天稽古為同天商頌玄鳥以天帝為古帝周書周祝解云天
為古地為久古者天部之所掌也公羊疏云問曰六藝論言
六藝者圖所生也春秋言依百二十國史何答曰王者依圖
書行事史官錄其行事言出圖書豈相妨奪其答非也百二
十國史仍是圖書古太史書雜處取易於河圖則河圖餘九
篇取洪範於洛書則洛書餘六篇漢人依經錄出者易有飛
候書有五行詩有五際皆史氏之舊孔子定六經其餘文在
太史者後人目之為緯則百二十國史皆緯也然則孔子不

定緯何也緯記黃帝以來靈臺諸史不必皆賢史記天官書云幽厲以往尚矣所見天變皆國殊窟穴家占物怪以合時應其文圖籍襍祥不發是以孔子論六經紀異而說不書然則孔子不覽緯乎申鑒俗嫌篇云或曰燔之曰仲尼之作則否有取焉則可曷其燔意謂仲尼之作中亦有之其言非也史記言論六經紀異而說不書則孔子畢覽緯始論六經覽緯不作緯然則藝文志者錄不載緯者何也如漢律漢令在廷尉則亦不載也緯在太史不在祕書史記秦始皇本紀云史官非秦紀皆燒之非博士所職詩書百家雜燒之又云博士七十人候星氣者三百人蓋博士與史官官與書皆不

相涉司馬遷報任安書言其先文史星歷近乎卜祝之間漢舊儀言天下計書先上大史副上丞相太史別有天人書藝文有太乙以下及海中占而無甘石星經甘石書史記天官書漢書天文志皆引之唐開元時猶存又漢志天文二十家有圖祕記十七篇益采緯文其他緯及甘石不入志者以在史官之故且文字時時增續不定非祕閣所離校後漢緯始入祕府後漢書尹敏傳云帝令校圖讖使蜀去崔發所為王莽著錄次比者發王莽時說符候也蘇竟傳云祕經文隱事朗檀弓正義引鄭志云嫌引祕書是也隋經籍志有緯八十一種唐六典祕書郎甲部九曰圖緯以紀六經讖候注云河

圖等十三部九十二卷知東漢至唐皆在秘書中史魏隋焚
緯但焚民間傳本廷臣議禮師儒說經猶檢緯則漢志不載
緯無可疑也緯所記止哀平者以其漸行民間篇第已定又
自史遷後有紀表志傳故緯不復增也有魏晉受命者史官
先賢所推也有近俗別字者史官不必皆明小學又史主記
載雅言野說俱存之異於著作考論是非也謂緯出於哀平
間者哀平時始流布謂其時所造則其書奇辟凌雜或乃塊
偉廓寥不同乖異所謂國殊家占非偽託者所能習也然則
緯宜傳乎緯如後世靈臺候省寺案牘先儒所采以輔證經
義者皆淳古之文他或不逮也然則識亦宜傳乎緯故在識

識舊名也詩生民正義異義引禮識云唐五廟禮檀弓正義引鄭志云書說尚書緯也作注時在文網諸牽圖識皆謂之說意林桓譚云識出河圖洛書桓頗不以識為是而書有本義識緯記古事古訓而無折衷其始名識者說文云驗也謂記其已驗繫傳云為將來之驗非也其名緯者以經名定之通考古事知緯是古史書故為論質之好學深思者毋尚耳食致失聽也

癸巳類稿十四

又書開元占經目錄後占經中所引緯如孝經雌雄圖雄圖三光占括地圖春秋圖彗星占引雌雄圖云彗星四出注云按圖如十字知天文地里應有圖故河洛九篇六篇古人謂之

圖書據唐張彥遠歷代名畫記舉古秘畫珍圖有龍魚河圖

鈞命決圖孝經秘圖左契圖雌雄圖河圖又三詩緯圖孝經

讖圖

十浸潭泥圖

即潛潭已

河圖括地象圖占日雲氣圖

云京兆夏氏魏

氏並

風角五音圖白澤圖

一卷三十事

皆此書所載見於秘府

嘗比其占五星之聚易緯以為至德之萌謂周文王及漢高

帝春秋緯以為失命絕於天謂紂及子嬰兩義相反其實通

也日之冠珥孝經內記所言實為瑣屑蓋緯書立義博士隨

事條附取識天人之際以合時應以非為天語樂緯以五音

配星二十八宿山經以山配星皆各守世業而已嘗論古緯

為馮相保章從太史所記靈臺候簿故曰緯候識候不然即

謂之妖書無可辭也占經風雲望氣之占太白陰經武經總
要乾象通鑑所載占風文同而題曰風角占經於緯亦多不
著篇目或轉寫失之潛潭巴六十日日食占散見續漢志注
者僅三十六占經則以次全載之壬申日食云水盛陽潰陰
欲翔續漢志注亦同而乾象通鑑云諸侯交攻乃是占經潛
潭巴下京房說李季宋人圖殆未見緯以壬申日食占推之
知是錄自占經其誤有蹟可案蓋信占經宋有傳本孫穀古
微書則錄自乾象通鑑而未見占經書中有夾注又有大字
注題以注曰其犀角戴通占孝經緯下引交州記南州異物
志抱朴子或出漢以後當非緯注白魚入舟占中候後大字

注曰一條又宗均曰一條注是鄭注宗均是旁采緯注其夾
寫不題注曰者修書人所說也

同上○清湖按此首及下姚氏藏經既雖非論緯然多涉

緯書故並
即錄之

姚石甫跋藏經儒者推世運之數如春秋元命包云天地開闢
至魯哀公獲麟之歲凡三百二十六萬七千年命曆序云二
百六十七萬六千年分為十紀易乾鑿度云十紀合二百七
十六萬年每紀二十七萬六千年列子楊朱云伏羲至今三
十餘萬歲帝王世紀云自天地開闢人皇以來迄魏咸熙二
年凡二百七十二代積二百七十六萬七百四十五年所說
不同大約不甚相遠也世儒以其緯書私記而不信若漢律

麻志上元至伐桀之歲十四萬一千四百八十年則見於正
史矣而邵子皇極世經斷以天地之始終止十二萬八千年
則出於大儒矣

經世文編六十九

斐緯之書或謂作於孔子或謂始於袁平聚訟紛紜國
朝諸經師已詳辨之矣按莊子天道篇孔子西藏書於周
室緒十二經以說老聃說者云六經六緯合為十二經一
云易上下經并十翼一云春秋十二公經也然古來易與
春秋未聞稱為十二經者且以一書而稱之為十二經於
義未當南史隱逸傳周續之通五經五緯號為十經然則
經緯固可通稱為經十二經為六經六緯無疑矣隋唐以
後此學遂絕窮經之士望古悵然一先大夫博覽之餘留
心內學將作羣緯釋文謂欲探義蘊當先考源流隋志之
外惟竹垞先生經義考於斐緯之學甄微索隱蔚為巨觀

然興廢師承諸類僅粗述大概近江寧顧氏補後漢藝文志羅舉習緯諸儒而限於時代未能該備乃輯為緯學原流興廢考三卷每謂黼曰此書規模粗舉然遺漏尚多倘塵事少暇尚當詳加蒐討而羣緯釋文尤須肆力數年方可成書乃天不假年此志未竟黼深懼手澤散失謹就遺藁覆校一過手寫成帙將來倘有所得當輯補遺以終先志惟學殖誦陋深懼勿克負荷至羣緯釋文叢藁縱橫體例未定未學膚受未敢續貂擷萃撫膺曷勝
癸巳七月孤子黼謹識